



景岳幼科良方

ヤ 9  
1134





1134

景岳幼科良方序



西村正南圖書

景岳全書出矣。去乙巳肇  
秋。為入東觀之想。三閱月  
而四帙六十四卷。一周覽  
既畢。抑張氏其先者。明初  
武官。而以軍功。世授紹興  
衛指揮。然當收戈囊弓時。  
自壯歲。幹蠱於易學。并吞  
陰陽之道。神明造化之源。  
一日筮得天山之遯於斯。  
決意石隱。避世壺中。強勇

91-2064



武備殆盡棄置焉。晉寅西肆力於軒岐而研覃苦志於內經。窮年折衷之類。經若干卷成。而羽翼於王馬兩氏。問世世奉爲金匱玉函者漸久矣。從是醫術日進而聲名藉甚。時人至此之張李朱薛。晚年撰考驗心得之玄微古方新方。自編彙一家之秘。景岳全書已就矣。纂之爲次。本其所

職。由以八陣立治法。其新奇獨步。垂千古。所謂用藥如用兵之的當。歎嗚呼。老逸暮齡。迫桑榆。觀這箇異書者。亦殘喘餘慶之一得也。近頃書肆植村氏來。誥云。今此全書。雖欲鏤梓。簡帙重大。積年而其工難計。殊啞科一門。其辨證新按。奇治手段。實卓越改觀。況幼科方書。刊刻乏于世。故



箇裏拔啞門欲垂不朽名  
 景岳幼科良方冀題一語  
 予感其幼幼之志因紀略  
 之所云云舉張氏茲編纂  
 述之梗槩以為之序投焉  
 者爾

享保戊申中秋桂盈日

鴨河逸士

恭齋長岡丹堂題



總論一 初誕法二 護養法三

初生兒看病法四 看小兒壽夭法五

脈法六 聲音七 顏色同

藥餌之誤九 小兒診治大法十

撮口臍風十一 驚風十二 論驚風證治十三

急驚風十四 慢驚風十五 大驚卒恐十六

驚啼十七 發搐十八 夜啼十九

發熱廿一 外感發熱治法廿二

外感發熱弗藥可愈廿三 諸熱辨證廿四

內熱證廿五 吐瀉廿六 吐瀉新按廿九

同醫按三十一 霍亂吐瀉三十二

論瀉痢糞尿色三十三 吐乳同五疳證三十四

盜汗三十七 腹脹腹痛三十八 痞塊四十

癩癩四十一 同醫按四十二 溺白四十三

變蒸四十三



主治列方目次

補陣新古列方

新方○印  
古方△印

○五福飲

五三

七福飲

同

一陰煎

同

加減一陰煎

五十四

三陰煎

同

大營煎

同

△五味異功散

同

六君子湯

五十五

八珍湯

同

十全大補湯

同

人參養榮湯

同

補中益氣湯

同

歸脾湯

五十六

加味歸脾湯

同

人參湯

同

參附湯

同

加減參附湯

同

芪附湯

同

參苓散

五十七

生脉散

同

六味地黃丸

同

八味地黃丸

同

加減八味丸

同



和陣新古列方

○金水六君煎 五十八 六安煎 同

苓朮二陳煎 五十九 和胃飲 同

排氣飲 同 大和中飲 同

小和中飲 卒 小分清飲 同

芍藥枳朮丸 同 神香散 同

△二陳湯 卒二 加減二陳湯 同

益黃散 同 白朮散 同

竹茹湯 同 橘皮竹茹湯 同

葛花解醒湯 卒三 五物香薷飲 同

十味香薷飲 同 五苓散 同

攻陣新定列方

○赤金豆 六十一

散陣新古列方

○一柴胡飲 卒三 二柴胡飲 同

四柴胡飲 卒四 五柴胡飲 同

正柴胡飲 卒五 柴陳煎 同

柴芩煎 同 △小柴胡湯 卒六

參蘇飲 同 五積散 同

寒陣新古列方

○保陰煎 卒七 抽薪飲 同

大分清飲 卒八 清膈煎 同

玉女煎 同 玉泉散 卒九

濕陰八味丸 同 △竹葉石膏湯 同

瀉心湯 卒十 人參清肺湯 同

瀉白散 同 清胃散 同

瀉黃散 同 柴胡清肝散 同

當歸六黃湯 同 益元散 卒十一

香連丸 同 硃砂安神丸 同

安神丸 同 瀉青丸 同



滋腎丸 同

熱陣新古列方

○四味回陽飲 七十一 六味回陽飲 同

理陰煎 同 養中煎 七十三

溫胃飲 同 五君子煎 同

六味異功煎 同 參薑飲 同

胃關煎 七十四 聖木煎 同

△七味龍膽瀉肝湯 同 理中丸 七十五

藿香安胃散 同

因陣列方

○五物煎 七十五

固陣列方

△王荊公妙香散 七十六

備用列方

導赤散 七十六 大健脾丸 同

啓脾丸 同 和中丸 七十七

異方和中丸 同 四苓散 同

胃苓湯 同 調中湯 同

助胃膏 同 團參散 七十八

人參黃蓮散 同 柴胡散 同

惺惺散 同 星蘇散 同

黃龍散 同 人參薑活散 同

牛黃散 七十九 二黃犀角散 同

柴胡飲子 同 地骨皮散 同

保和丸 同 大安丸 同

消食丸 同 白餅子 同

人參養胃湯 同 人參安胃散 同

六神散 八十一 養神湯 同

茯神湯 同 清神湯 同

釣藤飲 同 大青膏 同



地黄清肺飲	八十二	秘旨安神丸	同
安神鎮驚丸	同	琥珀散	同
龍膽湯	同	梅花飲	八十三
抱龍丸	同	牛黃丸	同
涼驚丸	同	利驚丸	八十四
抑青丸	同	比金丸	同
虎睛丸	同	消風丸	同
妙聖丹	同	紫河車丸	八十五
大燕萸湯	同	蘭香散	同
四味肥兒丸	同	蘆薈肥兒丸	八十六
木香丸	同	黃蓮丸	同
胡黃蓮丸	同	蟾蜍丸	同
如聖丸	同	紫霜丸	八十七
痘疹列方			
木香散	八十七	十二味異功散	同

涼膈散	八十八	雄黃散	同
搽牙散	同	馬鳴散	同

精選幼科良方主治列方目次終



享保十三 戊申 孟春吉日

平安書舖

堀川高辻上町

植村藤松藏版

精選幼科良方



會稽 張介賓 會卿著

會稽 魯超 謙菴訂

總論

小兒之病古人謂之啞科以其言語不能通病情不易測故曰寧治十男子莫治一婦人寧治十婦人莫治一小兒此甚言小兒之難也然以余較之則三者之中又為小兒為最易何以見之蓋小兒之病非外感風寒則內傷飲食以至驚風吐瀉及寒熱疳癩之類不過數種且其臟氣清靈隨撥隨應但能確得其本而撮取之則一藥可愈非若男婦損傷積痼癡頑者



之比。余故謂其易也。救人謂其難。謂其難辨也。余謂其易。謂其易治也。設或辨之。不真。則誠然難矣。然辨之之法。亦不過辨其表裏寒熱虛實六者。洞然。又何難治之有。故凡外感者。必有表證。而無裏證。如發熱頭痛拘急。無汗。或因風搖擗之類。是也。內傷者。有裏證。而無表證。如吐瀉腹痛脹滿驚疳積聚之類。是也。熱者必有熱證。如熱渴躁煩秘結癰瘍之類。是也。寒者必有寒證。如清冷吐瀉無熱無煩惡心喜熱者是也。凡此四者。即表裏寒熱之證。極易辨也。然於四者之中。尤惟虛實二字。最為緊要。蓋有形色之虛實。有聲音之虛實。有脈息之虛實。如體質強盛與柔弱者。有異也。形色紅赤與青白者。有異也。聲音雄井與短怯者。有異也。脈息滑實與虛

細者。有異也。故必內察其脈候。外觀其形氣。中審其病情。參此數者。而精察之。又何虛實之難辨哉。必其果有實邪。果有火證。則不得不為治標。然治標之法。宜精簡輕銳。適當其可。及病則已。毫毋犯其正氣。斯為高手。但見虛象。便不可妄行攻擊。任意消耗。若見之。不真。不可謂姑去其邪。諒亦無害。不知小兒以柔嫩之體。氣血未堅。臟腑甚脆。略受傷殘。萎謝極易。下劑之謬。尚不能堪。而況其甚乎。矧以方生之氣。不思培植。而但知剝削。此則為目下之害。遠則遺終身之羸。良可嘆也。凡此者。實求本之道。誠幼科最要之肯綮。雖言之。若無奇異。而俾知者之茫然也。故余於篇端。首以為言。然非有察察之見者。因不足以諒此。此其所以不易也。



陰陽應象大論曰善診者察色按脈先別陰陽審清濁而知部分視喘息聽聲音而知所苦觀權衡規矩而知病所主○按此論雖通言診法之要然尤於小兒為最切也

### 初誕法

小兒初生飲食未開胃氣未動是誠清虛之腑此時開口調燮極須得宜保嬰諸書皆云分娩之時口含血塊啼聲一出隨即嘔下而毒伏於命門因致他日發為驚風發熱痘疹等證此說固似有理然嬰兒通躰無非血氣所結而此亦血氣之餘何以毒遽如是即使嘔之亦必從便而出何以獨留為害無足憑也惟是形躰初成固當為之清楚其法於未啼時用軟帛裹指空去口中之血乃用後法并拭

去口中穢惡以清臟腑此亦初誕之要法不可無也

開口法凡小兒初誕宜以甘州細切小許用沸湯泡汁以淡為妙不宜太甜乃用軟帛蘸汁徧拭口中去其穢濁隨用胡桃肉法皮層極爛以稀絹或薄紗包如小兒內兒口中使吹其汁非獨和中且能養臟最佳法也○若母氣素寒小兒清弱者只以淡薑湯拭口最能去胃寒通神明并可免吐瀉之患此法最妙人所未知也拭後仍用核桃法如前○一法以牛黃半分同硃砂研勻蜜調如前與吹為佳極能辟痰邪去穢惡除熱安神然必母氣多熱小兒肥盛者可用清弱者不宜用○一古法拭口多有黃連者不知黃連大寒大苦而小兒以胃氣為主安得初生即可以苦劣之氣



相犯致損胃氣則他日變嘔變瀉由  
此而起矣大非所宜○一古法多用  
硃砂開口者按陳文中曰小兒初生  
便服硃砂輕粉白蜜黃連本欲下胎  
毒不知此皆傷脾敗陽之藥輕粉下  
痰損心硃砂下涎損神兒實者服之  
軟弱者服之易傷反致變生諸病是  
不可不察也

### 護養法

出保嬰撮要

巢氏曰小兒初生肌膚未實宜用舊絮  
護其皆不可太煖更宜數見風日則  
血氣剛強肌肉緻密若藏於重幃密  
室或厚衣過煖則筋骨軟脆不任風  
寒多易致病衣服當隨寒熱加減但  
令皆煖為佳亦勿令出汗恐表虛風  
邪易傷乳哺亦不宜過飽陳氏所謂  
忍三分寒喫七分飽頻搥肚少洗澡

要肚煖頭涼心胸涼皆至論也  
令乳母預慎六淫七情厚味炙煇則  
乳汁清寧兒不致疾否則陰陽偏勝  
血氣沸騰乳汁敗壞必生諸病若屢  
用藥餌則臟腑陰損多變敗證可不  
慎歟大抵保嬰之法未病則調和乳  
母既病則審治嬰兒亦必兼治其母  
為善

小兒飲食有任意偏好者無不致病  
所謂爽口味多終作疾也極宜慎之  
嘗見王隱君曰余幼時嗜嗜甘飴忽  
一日見飴中有蚯蚓伸頭而出自此  
不敢食飴至長始知長上為之此可  
為節戒之妙法

### 初生兒看病法

初生兒以手捻其頭摸其頤頤不作聲  
者為無病總有病以手指探其口雖



發聲而從容，啞指者其病輕，若即發聲不啞指而色或青紅兼紫者，此落地受寒之甚也。其病重須急辨其形色虛實而治之。若牙關緊閉不納乳，或硬而不軟，其病極重也。此驚邪入足太陽經及足陽明經而然，須急治之，庶可平復。

一初生兒肥，胖色嫩，日覺好看者，此其根本不堅，甚非佳兆，且亦最易感邪入腑者。近在第二、三日見之，其證吐乳、夜啼、發哭、腹鳴，皆胎驚之證。然猶淺而易治。○若邪之入臟者，遠在六七日見之，此臍風、噤風、喉口風之候，其病深而難醫。若大聲口噤、舌大、痰壅者，不治。蓋五、六日間病傳心肺脾三經也。此風氣甚盛而無所洩，故形見於喉、口、牙、關聲音也。○其面額青紫黑色者，不治。爪甲青黑者，不治。臍

青黑者亦不治。○凡父母肥者，不可生肥兒。父母瘦者，亦不可生肥兒。生而肥胖，必當以藥斂之，使其肥肉堅實，面轉微黃之色，則吉。不然則凶。○生兒怯弱，必須以藥扶助之。若七日之內肥肉頓肥，則必病矣。過此以往，漸肥者不足慮也。治肥之法，宜清痰濕，解胎毒，預防其風氣，亦不可過用峻厲以傷脾氣。○又當看小兒元氣厚薄，厚者十無一失，薄者十無一生。然其中有死者，有不死者，則以病之所生有真偽也。凡怯弱者，宜專培脾腎為主。

### 看小兒壽夭法

看小兒法，以聽聲為先，察色為次。凡聲音清亮者，生有回音者，生。泣者，病散而無出聲者，不壽。○忽然大聲而無



病者須細看其身恐有瘡毒即須治之  
●臍帶中無血者生臍帶銀白色者生短帶紫脹者於斷帶之後捻去紫血可保無虞  
●額皮寬者壽  
●卵縫通達黑色者壽初生下如水泡之狀者險  
●面轉微黃之色者吉  
●生下粉白色者必主臍風而死  
●生下皮寬肉瘦五六日頓肥者亦必有臍風之患  
●生下皮肉不光者死  
●泣不出聲者死  
●泣而無淚者死  
●舌如猪肝者死  
●口角上有紫色如蝦鬚者死  
●髮粗長者生細軟不放者死  
●陰物不起者死  
●陰囊不收者死  
●白者死赤者死  
●無糞門者死  
●臀肉不生者死  
●股肉不生者不壽  
●面無彩色者夭  
●臍帶短大紫色者夭  
●生下渾身銀白色者夭  
●生下有齒者大凶致傷父母不無必

傷自身  
●生下未暴即撒尿者殺  
母蕩家財在世一生勞苦

脈法

凡小兒形骸既且經脈已全所以初脫胞胎便有脈息可辨故通評虛實論曰乳子病熱脈懸小者手足溫則生寒則死乳子病風熱喘鳴肩息者脈實大也緩則生急則死此軒岐之診小兒未嘗不重在脈亦未嘗不兼證為言也自水鏡訣及全幼心鑑等書乃有三歲以上當察虎口寅卯辰風氣命三關之說其中之可取者惟曰脈從寅關起不至卯關者易治若連卯關者難治若寅侵卯卯侵過辰者十不救一此數語乃於危急之際亦可用辨吉凶至若紫為風紅為傷寒青為驚白為疳及青是四足驚赤



是水驚黑是人驚黃是雷驚之類豈此一線之色果能辨悉如此最屬無稽烏足憑也即今幼科所尚無不以此為科套全不如脈而信口胡猜試問其心果亦有的確之見否茫然無據而欲以人子為嘗試良可嘆也故凡診小兒既其言語不通尤當以脈為主而參以形色聲音則萬無一失矣然小兒之脈非比大人之多端但察其強弱緩急四者之脈是即小兒之肯綮蓋強弱可以見虛實緩急可以見邪正四者既明則無論諸證但隨其病以合其脈而參此四者之因則左右逢源所遇皆道矣再加以聲色之辨更自的確無疑又何適情之有此最活最妙之心法也若單以一脈鑿言一病則一病亦能兼諸脈其中真假疑似未免膠柱實有難於確

據者然法不可廢最所當察故擇其得理者并附於左亦可以見其槩錢仲陽曰小兒之脈氣不和則絃急傷食則沈緩虛驚則促急風則浮冷則沈細脈亂者不治

薛氏曰凡看脈先定浮沈遲數陰陽冷熱沈遲為陰浮數為陽浮主風沈遲主虛冷實主有熱緊主癩癩洪主熱盛沈緩主虛瀉微遲有積有蟲遲瀼主胃脘不和沈主乳食難化沈細主乳食停滯緊絃主腹中熱痛牢實主大便秘沈而數者骨中有熱絃長是肝膈有風緊數乃驚風為患四肢掣顫浮洪乃胃口有熱沈緊主腹痛有寒虛濡者有氣又主慢驚乳主大便利血

聲音



七  
聲由氣發氣實則聲壯氣虛則聲怯故  
欲察氣之虛實者莫先乎聲音如內  
經諸篇有曰言而微終日乃復言者  
此奪氣也○有曰氣海有餘者氣滿  
胸中悅息面赤氣海不足則氣少不  
足以言○有曰心氣虛則悲實則笑  
不休○有曰手少陰虛則不能言○  
有曰內奪而厥則為瘖非此腎虛也  
○華元化曰陽候多語陰證無聲多  
語者易治無聲者難榮○凡此皆聲  
音虛實之辨故彼聖人者聞聲知情  
無所不達此聲音之學所以不可忽  
也

### 顏色

脈要精微論曰夫精明五色者氣之華  
也赤欲如白暴朱不欲如赭白欲如  
鵝羽不欲如鹽青欲如蒼璧之澤不

欲如藍黃欲如羅纁雄黃不欲如黃  
土黑欲如重漆色不欲如地蒼五色  
精微象見矣其毒不久也

五版論要篇曰色天面脫不治百日盡  
已色見上下左右各在其要上為逆  
下為從女子右為逆左為從男子左  
為逆右為從

五色篇曰官五色奈何曰青黑為痛黃  
赤為熱白為寒是謂五官○又曰以  
色言病之間甚奈何曰其色麗以明  
沈天者為甚其色上行者病益甚其  
色下行如雲散者病方已

經脈篇曰凡診絡脈脈色青則寒且痛  
赤則有熱胃中寒手魚之絡多青矣  
胃中有熱魚際絡赤其暴黑者留久  
痺也其有赤有黑有青者寒熱氣也  
其青短者少氣也

凡察色之法大都青白者少熱氣病主



陰邪黃赤者多熱氣病主陽盛○青  
主風氣主肝邪主脾胃虛寒主心腹  
疼痛主暴驚傷心膽之氣主驚風當  
察兼色以分急慢○白主氣虛甚則  
氣脫主無火主脾肺不足白兼青者  
主慢驚主大小腸泄瀉○赤主火主  
痰熱主傷寒熱證主煩渴主急驚躁  
擾主閉結主陽邪喘促主癰瘍痘疹  
○黑屬水主陰寒主厥逆主痛極沈  
黑主危篤○黃主積聚主痞塊主脾  
病主脹滿主脾疳黃兼白者主脾寒  
脾弱主氣虛神怯黃兼青者主脾虛  
泄瀉主慢脾風黃兼赤者主疳熱○  
兩顴鮮紅或作或止者謂之面戴陽  
乃真陰虛弱此非陽證也不得以熱  
赤同論

錢氏曰左頰為肝右頰為肺額上為心  
鼻上為脾下頰為腎隨證施治之

### 藥餌之誤

小兒氣血未克而一生盛衰之基全在  
幼時此飲食之宜調而藥餌尤當慎  
也今與世幼科既不知此大本又無  
的確明見而惟苟完目前故凡遇一  
病則無論虛實寒熱但用海底兜法  
而悉以散風消食清痰降火行滯利  
承之劑總不出二十餘味一套混用  
謬稱穩當何其誕也夫有是病而用  
是藥則病受之矣無是病而用是藥  
則元氣受之矣小兒元氣幾何能無  
陰受其損而變生不測耶此當今幼  
科之大病而醫之不可輕任者正以  
此也又見有愛子者因其清黃瘦弱  
每以為慮而詢之庸流則不云痰火  
必云食積蠱以肥兒丸保和丸之類  
使之常服不知肥兒丸以苦寒之品



最敗元陽保和丸以消耗之物極損胃氣謂其肥兒也而適足以瘦兒謂其保和也而適足以達和耳即如抱龍丸之類亦不宜輕易屢用余嘗見一富翁之子每多痰氣或貶驚科凡遇疾作輒用此丸一投即愈彼時以為神丹如此者不啻十餘次及其長也則一無所知疑然一疑物而已豈非暗損元神所致耶凡此剋伐之劑所以最當慎用故必有真正火證疳熱乃宜肥兒丸及寒涼等劑真正食積脹滿乃宜保和丸及消導等劑真正痰穴喘急乃宜抱龍丸及化痰等劑即用此者亦不過中病即止非可過也若無此實邪可據而諸見出入之病則多由虧損元氣悉當加意培補方是保赤之主倘不知此而徒以肥兒保和等名乃欲藉為保障不知

小兒之元氣無多病已傷之而醫復伐之其有不萎敗者鮮矣此外如大黃芩硝黑丑芫花大戟三稜蓬朮之類若非必不得已皆不可輕易投也

### 小兒診治大法

凡小兒之病本不易察但其為病之源多有所以因故凡臨證者必須察父母先天之氣而母氣為尤切如母多火者子必有火病母多寒者子必有寒病母之脾腎不足者子亦如之凡骨軟行遲齒遲語遲顛門開大疳熱脾泄之類多有由於母氣者雖父母之氣俱有所稟但母氣之應在近父氣之應在遠或以一強一弱而偏得一入之氣者是皆不可不察至若縱長而縱口縱欲或調攝失宜而自為病者此又當察其所由辨而治之如果



先天不足而培以後天亦可致壽雖  
白先天俱盛而或父母多慾或撫養  
失宜則病變百端雖強亦夭此中幾  
圓理微貴在知常知變也

撮口臍風 病論治法

初生小兒撮口臍風者因胎中受熱或  
初生不慎為風寒所侵遂致聚唇撮  
口眼閉口噤啼聲如鴉或聲不能出  
或舌上如粟或口吐白沫或喉痰潮  
響或氣息喘急甚者舌強面青腹脹  
青筋吊腸牽痛百日內病甚者多不  
活○臍風者以斷臍之後為水濕風  
邪所侵因致腹脹臍腫四肢羸直啼  
不吮乳甚則發搐若臍邊青黑手拳  
口噤者是為內搐不可治○凡治此  
之法痰盛者當先治痰火盛者當先  
瀉火若無火無痰者專當溫補脾胃

○凡斷臍不盈尺多患此者齒齟有  
泡如粟以綿裹指蘸溫水捺破只即  
開不用藥七日內患此者百無一生

○臍風果因浴拭外傷皮膚者用綿  
灰或枯礬末搽之即愈○若因剪臍  
短少或因束縛不緊或因牽動風入  
臍中或因鐵器斷臍冷氣傳於脾絡  
以致前證者口內有小泡急搗破去  
其毒水以艾灸臍中亦有得生者治  
法多端無如灸法○若因乳母肝脾  
鬱怒或飲食生冷辛熱致兒為患者  
當治其母

錢氏云撮口因浴後拭臍風邪所入而  
作用益黃散補之

陳無擇云視其牙齦有泡擦破之口既  
開用真白殭蚕略烘為末蜜調塗口  
內

保嬰集云小兒百日臍風馬牙當作胎



毒瀉足陽明之火川鉞桃破以桑樹白汁塗之

田氏治噤風用天南星為末加片腦少許以指蘸薑汁擦牙齦立開○或用牛黃以竹瀝調服一字隨以猪乳滴於口中

### 驚風

驚風之要領有二一曰實證一曰虛證而盡之矣蓋急驚者陽證也實證也乃肝邪有餘而風生熱熱生痰痰熱客於心膈間則風火相搏故其形證急暴而痰火壯熱者是為急驚此當先治其標後治其本慢驚者陰證也虛證也此脾肺俱虛肝邪無制因而侮脾生風無陽之證也故其形氣病氣俱不足者是為慢驚此當專顧脾腎以救元氣雖二者俱名驚風而虛

實之有不同所以急慢之名亦異凡治此者不可不顧其名以思其義

### 論驚風證治

小兒驚風肝病也亦脾腎心肺病也蓋小兒之真陰未足尋不濟剛故肝邪易動肝邪動則木能生火火能生風風熱相搏則血虛血虛則筋急筋急則為掉眩反張搐搦強直之類皆肝木之本病也至其相移木邪侮上則脾病而為痰為吐瀉木盛金衰則肺病而為喘促為短氣木火上炎則心病而為驚叫為煩熱木火傷陰則腎病而為水瀉為血燥為乾渴為汗不出為搐為瘥此五臟驚風之大概也治此之法有要存焉蓋一曰風二曰火三曰痰四曰陽虛五曰陰虛但能察此緩急則盡之矣所謂風者以其



強直掉眩皆屬肝木風木同氣故云驚風而實非外感之證今人不明此義但為治風必須用散不知外來之風可散而血燥之風不可散也故凡如防風荊芥羌活獨活細辛乾葛柴胡紫蘇薄荷之類使果有外邪發熱無汗等證乃可暫用如無外邪則最所當忌此用散之不可不慎也所謂痰火者痰凝則氣閉火盛則陰虧此實邪之病本也若痰因火動則治火為先火以痰留則去痰為主火之甚者宜龍膽艸山梔子黃連黃柏石膏大黃之屬火之微者宜黃芩知母玄參石斛地骨皮木通天麻之屬痰之甚者宜牛黃膽星天竺黃南星半夏白芥子之屬痰之微者宜陳皮前胡海石貝母天花粉之屬此外如硃砂之色赤體重故能入心鎮驚內孕水

銀故善透經絡墜痰降火雄黃之氣味雄悍故能破結開滯直達橫行冰片射香乃開竅之要藥琥珀青黛亦清利之佐助而已又如蠶全蝎蟬蛻之屬皆云治風在蠶全味鹹而辛大能開痰涎破結氣用佐痰藥善去肝脾之邪邪去則肝平是即治風之謂也全蝎生於東北色青屬木故善走厥陰加以塩味鹹而降痰是亦同氣之屬故云治風較之蠶全此其次矣蟬蛻性味俱薄不過取其清虛輕蛻之義非有實濟不足恃也凡驚風之實邪惟痰火為最而風則次之治實之法止於是矣然邪實者易制主敗者必危蓋陽虛則陰邪不散而元氣不復陰虛則營氣不行而精血何來所以驚風之重重在虛證不虛不重不竭不危此元精元氣相為金立



有不容偏置者也故治虛之法當辨陰陽陽虛者宜燥宜剛陰虛者宜溫宜潤然善用陽者氣中自有水善用陰者水中自有氣造化相須之妙既有不可混又有不可離者如此設有謂此非小兒之藥此非驚風之藥者豈驚風之病不屬陰陽而小兒之身不由血氣乎若夫人者開口便可見心又烏足與論乾坤合一之道諸補之法具詳如左

一驚風反張強直轉筋等病在經筋篇曰足少陰之筋病足下轉筋及所過而結者皆痛病在此者主痲痺及瘰在外者不能俛在內者不能仰故陽病者腰反折不能俛陰病者不能仰○又曰經筋之病寒則反折筋急熱則筋弛縱不收陰痿不用陽急則反折陰急則俛不伸

急驚風

治法

急驚之候壯熱痰壅窺視反張搐搦顛動牙關緊急口中氣熱頰赤唇紅飲冷便結脈淨洪數此肝邪風熱陽盛陰虛證也治此之法當察緩急凡邪盛者不得先治其標○若痰甚喘急者宜抱龍丸琥珀散清膈煎梅花飲之類主之○火盛而煩熱者宜涼驚丸抑青丸或黃連安神丸牛黃散及山梔黃連龍膽艸之屬○火盛燥熱而大便秘結者宜瀉青丸或以為湯煎服之或利驚丸亦可○若外感風寒身熱為驚者當解其表宜抑肝散倍加柴胡或參蘇飲五積散星蘇散之類擇而用之○若表邪未解而內亦熱者宜錢氏黃龍湯○若驚氣漸退而火未清者宜安神鎮驚丸○



凡以上者皆急則治標之法但得痰  
火稍退即當調補血氣如後附薛氏  
之法或參用慢驚諸治以防虛敗此  
幼科最要之法前哲有云小兒易為  
虛實攻伐之藥中病即止不可過劑  
誠至言也○大抵此證多屬肝膽脾  
腎陰虛血燥風火相搏而然若不顧  
真陰過用祛風化痰之藥則脾益虛  
血益燥邪氣綿延必成慢驚矣此中  
陰虛之義皆人所不知當閱小兒補  
腎論始見其詳論載第二卷二五  
東垣曰急驚者風木旺也風木屬肝肝  
邪盛必傳剋於脾欲治其肝當先實  
脾後瀉風木

婁全善曰急驚屬木火土實木實則搖  
而有力及目上視動劓頻捷士實則  
身熱面赤而不吐瀉偃睡合睛治法  
宜涼宜瀉而用涼驚利驚等丸亦有

因驚而發者以致牙關緊急壯熱等  
證此內有實熱外挾風邪當截風定  
搐若痰熱尚盛宜微下之痰熱既泄  
急宜調養胃氣搖定而痰熱少退即  
宜調補脾氣

薛氏曰此肝經血虛火動生風蓋風生  
則陰血愈散陰火愈熾火動則肺金  
愈虧肝邪愈盛宜滋肝血養脾氣若  
屢服祛風化痰瀉火辛散之劑便宜  
認作脾虛血損急補脾土○若風火  
相搏發熱抽搐目睛筋攣痰盛者用  
四物鈞藤鈎以生肝血清肝火用四  
君子加當歸以補脾土生肺金○若  
肝經血燥發熱驚搐目睛筋攣痰盛  
者用六味丸以滋腎水四君子加芍  
藥以補脾土○若肺金剋肝木用地  
黃丸以益肝血加芍藥木香以平肺  
金○若屢用驚藥而脾胃虛寒者須



用六君子湯以培陽氣。○若脾旺而致中寒，腹用益黃散以補致慢驚矣。○但凡證屬有餘者，也故有餘當認少失矣。

### 慢驚風

病論

慢驚之候多由吐睡露睛痰鳴氣有靜或身涼身唇青赤面色淡細數此脾虛生慢驚之病多因誤用藥餌損傷兒脾胃素弱或

及誤藥者亦有證。○治慢驚之有風痰之類皆散再傷陽氣則微虛微瀉而內六神散四君子脾腎俱虛而臟且陰血生於脾歸脾仁。○脾氣飲理中湯五君痰者宜六君子脾腎陰陽俱虛最效。○脾腎虛者宜附子理陰陽飲或四味回○脾腎虛寒泄薛氏曰保嬰集云則脾損陰消而



補脾養血佐以安心清肺制木之藥  
 最為切當竊謂前證多因脾胃虧損  
 肝木所勝外虛熱而內真寒也但用  
 五味異功散加當歸佐以釣藤飲以  
 補脾平肝木亦多得效如不應  
 用六君加炮薑木香溫補脾土更不應  
 急加附子以回陽若用逐風驅痰之  
 藥反促其危也○愚按附子溫中回  
 陽為慢驚之聖藥也如元氣未脫用  
 之無有不效氣脫甚者急宜炮用之  
 保嬰撮要曰凡元氣虧損而至昏憤者  
 急灸百會穴若待下痰不愈而後灸  
 之則元氣脫散而不救矣此乃臟腑  
 傳變已極總歸虛處惟脾受之無風  
 可逐無驚可療因脾虛不能攝涎故  
 津液妄泛而似痰者但當以溫補脾  
 胃為主若不審其因泛用祛風化痰  
 之劑則脾氣益傷陰血益損病邪益



甚而危矣

寡全善曰木虛則搖而無力火虛則身  
 寒口中氣冷土虛則吐瀉睡而露睛  
 治宜溫補脾胃用六君子湯五味異  
 功散之類

大驚卒恐

病論治法

小兒忽被大驚最傷心膽之氣口問篇  
 曰大驚卒恐則氣血分離陰陽破散  
 經絡厥絕脉道不通陰陽相逆經脉  
 空虛血氣不次乃失其常此內經槩  
 言受驚之病有如此矧小兒血氣尤  
 非大人之比若受大驚則其神氣失  
 散潰亂不堪尚何實邪之有斯時也  
 收復正氣猶恐不服顧可復為清散  
 邪即如硃砂琥珀之類不過取其鎮  
 重之意亦非救本之法今幼科諸書  
 皆以大驚之證例作急驚論治誤亦



甚矣不知急驚慢驚一以風熱一以脾腎之虛皆不必由驚而得而此以驚恐致困者本心膽受傷神氣陡離之病所因不同所病亦異胡可以同百語也

治大驚氣散之病當以收復神氣為主宜秘旨安神丸七福飲茯神湯團參散獨參湯之類加金銀等物煎服之

驚啼 病論治法

小兒驚啼證本與驚風不同亦與大驚卒恐者有異蓋小兒肝氣未充膽氣最怯凡耳聞驟聲目視驟色雖非大驚卒恐亦能怖其神魂醒時受怖寐則驚惕或振動不寧或忽爾啼叫皆神怯不安之證總宜安神養氣為主如獨參湯團參散七福飲秘旨安神

丸之類皆其所宜○若微煩熱者宜生脈散熱甚者宜珠砂安神丸或導赤散○驚哭多淚忽啼忽止者是驚惕啼叫無淚聲長不揚者是腹痛

發搐 病論治法

搐抽搐也是即驚風之屬但暴而甚者謂之驚風微而緩者謂之發搐發搐不治則漸成驚風矣雖錢氏等書皆以時候之氣分五臟之證為論治然病變不測有難以時氣拘者是不若察見在之形證因臟腑之虛實隨宜施治者之為得也總之小兒之實證無他惟東方之實及中央之滯早益東方木實則生火生風而為熱為驚中央土實則生濕生滯而為痰為積知斯二者則知所以治實矣○若小兒之虛證則五臟皆有之如心虛則



驚惕不安，肺虛則氣促，多汗脾虛則  
 為嘔吐，為暴泄，為不食，為痞滿倦臥，  
 為牙緊流涎，為手足牽動，肝虛則為  
 筋急血燥，為抽搐勁強，為斜視目眩，  
 腎虛則為二便不禁，為津液枯槁，為  
 聲不出，為戴眼，為肢體厥逆，為火不  
 歸源，知此五者，則知所以治虛矣。○  
 然此虛實之證，固亦多有疑似者，但  
 以形色聲音脈息參而察之，則無有不  
 不瞭然者。諸治實之法，當從急驚治  
 虛之法，當從慢驚及如後夜啼諸治  
 法，已盡其蘊，當非察之總之，諸言實  
 者，乃邪氣之實，非元氣之實也。故治  
 此者，切不可傷及元氣，若病已久，尤  
 當專顧脾腎，則根本完固，諸無不愈  
 矣。

錢仲陽曰：驚癇發，搗男左視，無聲右視，  
 有聲女右視，無聲左視，有聲此相勝

也。蓋左為肝部，右為肺部，金木相勝，  
 故耳。○若握拳，姆指在內，女為順，姆  
 指在外，男為順，順則易治，逆則難治。  
 薛氏曰：寅卯辰時搗而發熱，作渴飲冷，  
 便結屬肝膽經，虛熱用柴芍參苓散，  
 作渴引飲自汗盜汗，屬肝胆經，血虛  
 用地黃丸，口吻流涎，屬肝木剋脾土，  
 用六君子湯。○巳午未時發搗，若兼  
 作渴飲水，屬風火相搏，用地黃丸補  
 肝，導赤散涼驚丸治心，若作渴飲湯，  
 軀倦不乳，土虛而木王也，用地黃丸  
 以補腎，六君子湯以補脾。○申酉戌  
 時微搗而喘，目微斜，身似執睡而露  
 睛，大便淡黃，屬脾肺虛熱，用異功散，  
 若手足逆冷，或喘瀉不食，屬脾肺虛  
 寒，用六君子炮薑木香，久病而元氣虛  
 者，用六君子六味丸，二藥主之。○亥  
 子丑時微搗，身熱目睛斜，吐瀉不

子丑時微搗，身熱目睛斜，吐瀉不



乳厥冷多睡屬寒水侮土用益黃散  
 末應用六君薑桂○傷風發搐口中  
 氣熱呵欠手足動者名假搐用大青  
 膏發散風邪○傷風發搐口氣不熱  
 肢軀倦怠用異功散補脾土釣藤飲  
 清肝木○若因風邪內鬱發熱而變  
 諸證者當理肺金清風邪○若外邪  
 既解內證未除當理肺補脾○若停  
 食發搐嘔吐乳食者宜用清食丸  
 ○若傷食後發搐身熱困睡嘔吐不  
 思乳食者當先定搐後用白餅子正  
 之○若食既散而前證仍作或變他  
 證者脾土傷而肝木乘之也用六君  
 子加釣藤鈎以健脾平肝○若肺經  
 虧損而致驚搐等證者當補脾肺以  
 平肝心則驚搐自止矣○如手足冷  
 汗搐眉搐肚日夜不止名真搐當用  
 人參湯川烏全蝎等藥平其胃氣○  
 百日內發搐真者內生風二三必

痰假者外生風雖頻發不疾○百日  
 內搐亦有因乳母七情厚味所致者  
 當兼治其母而以因胃為先不可逕  
 治其兒也○若涎入心脾則不能言  
 用涼心鎮驚下痰之藥逆搐者不治  
 ○若吐瀉後變證者亦不治○大凡  
 發搐因風者則面青目赤因驚則叫  
 呼搐因食則嘔吐氣悶脾肺虛則  
 生粘痰喉間作鋸聲此乃心火不能  
 生脾土脾土不能生肺金以致肺不  
 能主氣脾不能撰涎故涎氣泛上而  
 喉中作聲耳若用祛風治痰之劑則  
 氣散陰消而促其危矣

夜啼 病論治法

小兒夜啼不安按保嬰等書云夜啼有  
 三曰脾寒曰心熱也夜屬陰陰勝則  
 脾臟之寒愈盛脾為至陰喜溫而惡



寒則腹中作痛，故曲腰而啼。其候面青，手腹俱冷，不思乳食，是也。亦曰胎寒。宜釣藤飲。寒甚者，理中丸。○若曲腰啼，哭而無淚者，多係腹痛。宜木香散。或用溫胃飲，加木香。○若脾腎寒甚，而兼帶作痛者，宜陳氏十二味異功散。○若過用乳食，停滯作痛，邪實無虛而啼者，宜保和丸。和胃飲，加減主之。甚者，宜消食丸。○若陰盛陽衰，心氣不足，至夜則神有不安，而啼者，宜四君子湯，五味異功散。或七福飲，秘旨安神丸。○若面青，手冷，陽氣虛寒，心神驚怯，而啼者，宜五君子煎，或六味異功煎。甚者，宜七福飲，加炮乾薑、肉桂。○若兼泄瀉，不乳，脾腎虛弱也，宜六神散。甚者，養中煎，胃關煎。○若兼吐瀉，少食，脾胃虛寒也，宜五君子煎，溫胃飲。或六味異功煎。

加炮木香。○若大便不化，食少，腹脹，脾氣虛弱也，宜五味異功散。或五君子煎，加木香。○若面色白黑，睛少，至夜分陰中陽虛，而啼者，此肝腎之不足也。宜六味丸，八味丸，理陰煎。○若見燈見火，愈啼者，心熱也。心屬火，見火則煩熱內生，兩陽相搏，故仰身而啼。其證面赤，手腹俱暖，口中氣熱，是也。火之微者，宜生脈散，導赤散。火之甚者，宜硃砂安神丸，人參黃連散。○若若肝胆熱甚，木火相搏者，宜柴胡清肝散。○大都此證，或因吐瀉，內以津液，或稟賦腎陰不足，不能滋養肝木，或乳母恚怒，肝火侮金，當用六君子湯，補脾土，以生肺金。地黄丸，壯腎水，以滋肝木。若乳母鬱悶而致者，用加味歸脾湯，乳母暴怒者，加味小柴胡湯，乳母心肝熱搏者，柴胡清肝散。○



若因驚夜啼者宜從前驚啼論治

發熱病論

小兒發熱證其最要者有四一則外感發熱二則瘡毒發熱三則痘疹發熱四則疳積發熱凡此四者之外如飲食驚風陰虛變蒸之類雖亦有之然各有其說均當詳辨

發熱當辨虛實如實則面赤氣粗口燥唇蒼作渴喜冷飲水大小便難或掀衣露軀煩啼暴叫聲洪脈強伸躄而臥睡不露睛手足指熱皆為實證實以邪氣有餘或可散邪或宜清火○虛則面色青白氣怯神倦恍惚軟弱口鼻微冷不喜寒涼飲湯安靜泄瀉多尿嘔惡驚惕上盛下泄抱腹喜按乍涼下溫夜則虛汗臥則露睛屬陰而臥手足指冷脈息緩弱皆為虛證

虛以正氣不足最宜調補或兼解邪雖有發熱外證必不可妄用寒涼及任意消散劫伐等劑

外感發熱治法

凡小兒無故發熱多由外感風寒若寒邪在表未解者必有發熱頭痛或身痛無汗或鼻塞流涕畏寒拘急脈見緊數者是也○凡暴感者極易解散一汗可愈但察其氣血平和別無實熱等證或但倦怠昏睡者則但以四柴胡飲或五柴胡飲為主酌見大小而增減其劑此法先固其中次解其表庶元氣無傷而邪且易散最為穩當極妙之法有云小兒何虛乃堪此補及又有補住邪氣之說皆寸光昧理之談不可信也○若胃氣微見虛寒者宜五君子煎加柴胡或以理陰



煎加減用之最妙○元氣頗強而能食者宜正柴胡飲○兼內熱火盛而外邪未解者宜一柴胡飲或錢氏黃龍湯○壯熱火盛往來寒熱者宜柴胡煎○寒氣盛者宜二柴胡飲○寒邪盛而中氣微虛者宜五積散○傷寒見風身熱兼嗽而中氣不虛者宜柴陳煎若中氣不足而兼熱兼嗽者宜金水六君煎○冬受寒邪至春夏而發熱者是為小兒正傷寒但取效稱遲然治法不無外此

新按 余之仲兒生於乙卯五月於本年初秋忽爾感寒發熱脈微緊然素知其臟氣屬陰不敢清解遂與芍藥芩芎細辛生薑之屬冀散其寒一劑下咽不惟熱不退而反大瀉作連二日瀉不止而喘繼之愈瀉則愈喘斯時也將謂其寒氣盛耶何以用溫藥

而反瀉將謂其火刑金耶豈以清瀉連日而尚堪與涼將謂其表邪之味除耶則何以不利於蘇散束手無策疑懼已甚且見其表裏俱劇大喘垂危又豈淺易之劑所能挽回因沈思良久漸有所得乃用人參二錢生薑五片煎汁半盞然未敢驟進恐再加喘必致不救因用茶匙排與二三匙即懷之而旋走室中徐察其呼吸之進退然喘雖未減而亦不見其增甚乃又與三四匙少頃則覺其氣息似平少錄遂放胆與以半小鐘更覺有應自午及酉完此一劑適一醫至急呼曰誤矣誤矣焉有大喘如此而尚可用參者速宜以抱龍丸解之余諾之而不聽乃復以人參二錢五分如前煎湯自酉至子盡其劑劑完而氣息遂平窮鞫大睡瀉亦止而熱亦退



矣此所以知其然者觀其因瀉反喘豈非中虛設有實邪自當喘隨瀉減是可辨也向使誤聽彼醫易以清利中氣一脫即當置之必地必以答余之誤用參也孰是孰非何從辨哉余因紀此以見溫中散寒之功其妙有如此者

### 外感發熱弗藥可愈

凡小兒偶然發熱者率由寒熱不調衣被單薄柔弱肌腠最易相感感則熱矣余之治此不必用藥但於其熟睡之頃夏以單被冬以綿被蒙頭鬆蓋勿塞其鼻但以稍暖為度候其鼻息出入皆此暖氣少頃則微汗津津務令上上稍透則表裏通達而熱自退矣若冬月衣被寒涼汗不易出則輕襪著身赤躰相貼而上覆其面則無

有不汗出者此余近年養兒至妙之法百發百中者也若寒邪甚者兩三微汗之無有不愈然此法惟行於寅卯之際則汗易出而效尤速

### 諸熱辨證

小兒發熱若熱隨汗退者即外感證也○其有取汗至再而熱不退者必癰毒痘疹之候俟其形見當於本門求法治之○若是瘡毒但當辨其陰證陽證陽證宜清火解毒陰證宜托裏助陽萬治詳具外科○若汗出熱不退別無癰腫而耳後紅筋燥熱及眼如包淚或手指尖冷脈緊數者必是痘疹方治詳具痘疹門

小兒飲食內傷本無發熱之證蓋飲食傷臟則為脹為痛為吐為瀉本非肌表之病焉得發熱故調經論曰邪之



生於陽者得之風雨寒暑生於陰者得之飲食居處陰陽喜怒此即不易之理也今人但見小兒發熱則多言傷食而妄行消導謬亦甚矣○其或飲食內傷風寒外感表裏兼病而發熱者亦常有之然此當察其食之有停無停酌而治之亦非可混行消耗蓋恐內本無滯而妄加剋伐則磨損中氣以致外邪難解則病必滋甚

小兒疳積發熱此誠飲食內傷所致然必成痞成疳陽明鬱積既久所以內外俱熱是非暴傷飲食者之比亦非肌表發熱者之比方治詳具疳積條小兒有陰虛發熱之證及變蒸發熱之說凡陰虛發熱者此即小兒勞損證也亦名為童子勞此當於虛損門求法治之○至若變蒸之說則辨在本條并當詳察

錢仲陽曰潮熱者晝間發熱過時即退來日依時而發此欲發驚也○壯熱者常熱不已甚則發驚癇也○風熱者身熱而口中氣熱乃風邪外感也○溫熱者肢躰微熱熱不已則發驚搐○壯熱惡風寒為元氣不充表之虛熱也○壯熱不惡風寒為外邪所奪表之實熱也○壯熱飲湯為津液短少裏之虛熱也○壯熱飲水為內火銷燥裏之實熱也○脈尺寸俱滿為重實○尺寸俱弱為重虛○脈洪大或緩而滑或數而鼓此熱盛拒陰雖形證似寒實非寒也○熱而脈數按之不鼓此寒盛格陽雖形證似熱實非熱也○發熱惡熱大渴不止煩躁肌熱不欲近衣其脈洪大按之無力或兼目痛鼻乾者此血虛發熱也當補其血○如不能食而熱自汗出



者氣虛也當補其氣

內熱證 病論治法

內熱與外熱不同內熱以五內之火熱由內生病在陰分故內熱者宜清涼不宜辨散辨散則內火愈熾火空則發也外熱以膚腠之邪風寒外襲病在陽分故外熱者宜解散不宜清降清降則表熱愈留外內合邪也此外熱內熱之治其不同者有如此欲分內外之辨則外熱者其至必驟內熱者其來必緩但察其絕無表證而熱在臟腑七竅三焦二陰筋骨肌肉之間者皆是內熱之證但內熱之證亦有虛實實者宜從正治虛者當從反治反正之間有冰炭之異非可混也凡實熱之在內者古法治分五臟宜從正治○心熱者宜瀉心湯導赤散安

神丸○肝熱者瀉青丸柴胡飲子龍胆湯○脾熱者瀉黃散○肺熱者輕則瀉白散地骨皮散重則涼膈散○腎熱者滋腎丸滋陰八味丸實熱則宜疎下虛熱則宜調補○肢麻熱輕則惺惺散重則人參菴活散○大便秘者二黃犀角散四順清涼飲○餘熱不退者地骨皮散○大小便血者保陰煎○血熱妄行者清化飲○三焦火盛上下熱甚者抽薪飲○小便熱痛者大分清飲○陽明內熱煩渴頭痛二便秘結者玉泉散○陽明火盛兼少陰水虧者玉女煎○凡元氣虛而為熱者必真陰不足皆假熱證也宜從反治心脾肺氣虛假熱者五君子煎人參理中湯○五臟氣血俱虛假熱者五福飲○肝腎真陰不足假熱者則六味地黃湯甚則理陰



煎○肝腎血虛假熱者大營煎五物煎○肝腎陰虛上熱下寒則陽無所附而格陽為熱者六味回陽飲或八味地黄湯○肝經血虛生風而熱者四物加天麻鈞藤鈞○汗後血虛而熱甚者六神散加梗米○汗後氣虛而惡寒發熱者補中益氣湯○汗後陰虛陽無所附而熱者四物湯加參芩○汗後陽虛陰無所附而熱者四君子加芎歸○久從溫補而潮熱不退脈見滑大者五福飲加地骨皮或加知母○凡嬰兒諸熱有因別證而假者當從所重者而治之○若乳下嬰兒當兼治其母以調之

吐瀉

小兒吐瀉證虛寒者居其八九實熱者十中一二但察其脈證無火面色青

白氣息平緩肢躄清涼或神氣疲倦則悉是虛寒之證不得妄用涼藥古人云脾虛則嘔胃虛則吐者是也蓋飲食入胃不能運化而吐者此脾氣虛弱所以不能運也寒涼入胃惡心而吐者此中焦陽氣受傷所以不能化也若邪在中焦則止於嘔吐若連及下焦則非為瀉矣故在中上二焦者宜治脾胃連及下焦者宜調脾腎若非實熱火邪而妄用寒涼消伐者無有不效

小兒虛寒嘔吐凡無故吐瀉察其無火者必生冷寒氣傷胃所致今小兒所病大約皆是此證宜養中煎或溫胃飲為主治其次則五君子煎理中湯冬朮煎○若兼血虛燥渴者宜五君子加當歸○若兼脾腎虛寒或多痰涎或兼喘促宜理陰煎甚者人參附



子理醫為最妙勿謂嘔吐不宜熱地也○若脾氣無寒或偶有所觸雖旺而不甚者宜五味異功散○若脾中寒滯氣有不順而嘔吐者宜藿香安胃散○若上焦不清多痰兼滯者宜六君子湯或更加砂仁炮薑木香小兒傷食嘔吐若誤食不宜之物或停積滯濁以致吐者必胸膈脹滿或中腹作痛此其中必有餘邪宜和胃飲益黃散○若但有食滯而胃不寒者宜大和中飲小和中飲○若食滯兼痰而吐者宜二陳湯六安煎芩朮二陳煎○若飲食雖滯而因脾虛不能運化者此其所重在脾氣不在飲食止宜養中煎溫胃飲或理陰煎聖亦煎之類以培其本不可因飲食之故而直行消伐也

小兒胃熱嘔吐者其證最少蓋內熱者

多不致吐即亦有之其必多食炙煇甘甜之物以致滯積胃中或夏間胃暑及臟氣素熱者乃有之凡治熱證必須詳辨的確勿得以假熱作真熱也○凡胃火內熱嘔吐者察其證必煩熱作渴喜冷察其脈息必洪大滑數火之甚者宜瀉黃散玉泉散或竹葉石膏湯○若有痰食之滯兼火作吐者宜二陳湯加石膏黃連山梔或加山查麥芽之類○若脾胃虛弱而兼火者宜人參安胃散或橘皮竹茹湯○若胃火嘔吐作渴者宜竹茹湯○若夏月胃熱陽暑傷胃者必煩熱大渴吐瀉宜作宜五味香薷飲或十味香薷飲或竹茹湯或橘皮竹茹湯若內熱之甚者宜益元散玉泉散去之然暑有陰陽之辨若因天氣暑熱過用生藥以致傷胃而為吐瀉者此



屬陰是宜燻胃溫中如前虛寒治法或用五苓散亦效凡本條之藥絕不可用

薛氏曰凡暑令吐瀉手足發熱作渴飲冷者屬陽證宜清涼之劑若手足並冷作渴飲湯者屬陰證宜溫補之劑故病有屬陰者誤用寒涼之藥死後手足青黯甚則遍身皆然於此可驗小兒吐瀉并作者本屬內傷然有因寒氣自外而入內犯臟氣而然者有因生冷不慎致傷胃氣而然者有因中氣本弱飲食失宜而然者邪傷陽分則為吐邪傷陰分則為瀉若吐瀉並作則陰陽俱傷之證也此當察其有滯無滯詳辨其虛實而治之○若吐瀉初起邪滯未清者必有胸膈脹悶實滯等證此宜先用和胃飲苓朮二陳煎之類以清上焦之氣○若吐瀉

初起腹脹腹痛而拒按者宜先用胃苓湯或五苓散加乾薑木香之類以分下焦之清○若上無脹滯或所吐既多而嘔惡不已此其上焦豈尚有物但察其形氣困倦總惟胃虛而然若虛寒不甚者宜五味異功散然無寒不作吐故惟五君子煎六味異功煎及養中煎溫胃飲之類皆最宜也○若下腹雖痛而可按可揉或腹寒喜慰或所瀉既多而泄仍不止此其下焦必空虛已極惟脾腎虛寒不能固拱而然非胃開煎不可其稍輕者或用四君子加肉豆蔻補骨脂丁香之屬若虛中兼滯者或助胃膏亦可酌用○其或果由胃火則火逆於上熱蓄於下亦能為吐瀉然必有火證火脈者方是其證乃宜大小分清飲或用香連丸或如前胃熱嘔吐條



參而治然此證最少不得輕易混

### 吐瀉新按

余幸子於丁巳正月生於燕邸及白露時甫及半週余見新涼日至虛襖襦之薄恐為寒氣所侵每切囑眷屬保護之而眷屬不以為意及數日後果至吐瀉大作余即用溫胃和脾之藥不效隨用理中等劑亦不效三月後加人參三錢及薑桂吳茱肉豆蔻之類亦不效至四五月則隨乳隨吐吐其半而瀉其半腹中毫無所留與余不得已乃用人參五六錢製附子薑等各一二錢下兩即吐一滴不存而所下之乳則白潔無氣仍猶乳也斯時也其形氣之危已萬無生理矣余含淚靜坐書室默測其故且度其

寒氣犯胃而吐瀉不止若舍參薑桂附之屬尚何術焉伎已止此窘莫甚矣思之思之忽於夜半而生意起謂胃虛已極但藥之氣味略有不投則胃不能受隨拒而出矧附子味鹹亦能致嘔必其故也因自度氣味酌其所宜似必得甘辣可口之藥庶乎胃氣可安尚有生意乃用胡椒三錢搗碎加煨薑一兩用水二鍾煎至八分別盛聽用又用人參二兩亦用水二鍾煎至一鍾別盛聽用用此二者取其氣味之甘辛純正也乃用茶匙桃合二者以配其味凡用參湯之士加椒薑湯之一其味微甘而辣正得可口之宜遂溫置熱湯上徐徐挑而與之陸續漸進經一時諸皆咽而不吐竟得獲效自後乳藥皆安但瀉仍未止此自四鼓服起至午未間已



盡一二天<sup>之</sup>參，與參盡後忽爾，躁擾伸吟煩劇之甚，家人皆怨謂以嬰兒嬌嫩臟腑，何堪此等熱藥，是必燒斷肚腸也。相與抱泣，余雖疑之而不為亂，仍寧神熟思之意，此藥自四鼓至此，若果藥有難堪，何於午前相安而此時遽變若此，其必數日不食胃氣漸復，而倉稟空虛，餓甚則然也。備有預備之粥，取以示之，則張皇欲得其狀甚急，乃與一小盞，輒鯨吞虎嗜，又望其餘，遂復與半碗，猶然不足，又與半碗，遂寂然安臥矣。至次日復加製附始得瀉止，全愈嗚呼，此兒之重生固有天命然，原其所致之因，則人之臟腑皆繫於皆薄，夜寒則寒從皆愈而入內，于於臟中必發矣。原其所治之法，則用藥雖當而氣味不投，無以相入，求效難矣。及其因饑發躁使非

神悟其機，倘安用清涼一解，則全功盡棄，害可言哉。故余筆此以見病原之輕重氣味之相關及診治之活變。如此此關係者，雖然此時以己之見，故可信心救療，如是設以他人之子，有同是病者，於用參數錢之時，見其味效不知藥味及病必且煩言吠起，詢其誤治，改用苦寒，無不即效，而仍歸罪於用參者，此特黑白將焉辨之，故再贅其詳，用以廣人之聞見云。

都圖錢旭陽長郎年及兩週，季夏間以生果傷脾，因致先瀉後痢，旭陽善醫知其不過傷於生冷，乃與參朮薑桂溫脾等藥，瀉痢不愈而漸至唇口生瘡，乃謀之余曰：此見明為生冷所傷，今不利溫藥將奈之何。余曰：此因瀉傷陰兼之，辛辣遽入而虛火上炎，取非易以附子不能使火歸原也。因用



二劑而瘡，乃瘡痛，咽腫倍甚，外見於頭面之間，而病更劇矣。又謀之，余曰：用藥，不投如此，豈真因濕生熱耶？余診之，曰：上之脈息下之所出，皆非真熱，本屬陽虛。今熱之，不效，雖屬可疑，然究其所歸，寒之則必無疑也。意者藥猶未及耳。旭陽曰：尚有一證，似屬真寒。今其所用湯飲，必欲極滋極熱者，余等不能入口，而彼則安然吞之，即其喉口腫痛如此，所不顧也。豈其證乎？余曰：是矣。是矣。遂復增附子一錢五分，及薑桂肉果人參熟地之屬，其瀉漸止，瀉止而喉口等證不日而全收矣。疑以之間，難辨如此，使有確持之見，萬無一生矣。余自經此以來，漸至不惑，後有數兒，證治大同者，俱得保全。憶此不惑之道，其要何者在？知本之所在耳。隨證者可無

慎哉

附按

薛一，小兒，每飲食失節，或外驚所忤，即吐瀉發搐，服鎮驚化痰等藥，而愈後發搐益甚，飲食不進。雖參朮之劑到口，即嘔，余用白朮和土炒黃用米泔煎，數沸不時灌，半匙仍嘔，次日灌之微嘔，再日灌之欲嘔，此後每服二三匙，漸加至半杯，不嘔，乃濃煎服而愈。

小兒瀉而大便熱赤，小便澀少，此熱蘊於內也。先以四苓散加炒黃連一劑，其熱頓退，又用七味白朮散去木香，二劑熱渴頓止，後以四君升麻調理而痊。

小兒九歲，食炙博之物，作瀉，飲冷諸藥不應，肌躄消瘦，飲食少思，余用黃連



一兩酒拌炒焦為末入人參末四兩  
粥丸小豆大每服四五丸不拘時  
白湯下服訖漸愈又用五味異功散  
加升麻服月餘而瘥後不戒厚味患  
疳積消瘦少食發熱作用大蘆薈  
丸為主以四味肥兒丸為佐疳證漸  
退却以四味肥兒丸為主以五味異  
功散為佐而痊後又不禁厚味作瀉  
飲冷仍服肥兒丸異功散而瘥

### 霍亂吐瀉

病論治法

小兒霍亂吐瀉者必以寒流傷胃或時  
氣陰濕或飲食失宜皆能致之然此  
與前吐瀉並行者稍有不同蓋霍亂  
暴而甚吐瀉者徐而緩霍亂者傷  
在一時吐瀉者其傷以漸此其所以  
有異也○若暴疾霍亂而胃口未清  
胸腹仍滿者宜先用和胃飲茶亦不

陳煎或大小和中飲或小分清飲或  
神香散之類主之俟胃口稍平即宜  
五味異功散或溫胃飲五苓散之類  
期補之○若霍亂初起便覺神疲氣  
倦而胃口別無張滯者此其胃氣已  
傷即宜溫補如養中煎溫胃飲之類  
不得驟行清利也

### 論瀉痢糞尿色

古人有以小兒瀉痢糞黃酸臭者皆作  
胃熱論治此大誤也蓋飲食入胃化  
而為糞則無有不黃無有不臭者豈  
得以黃色而酸臭者為熱乎今以大  
人之糞驗之則凡胃強糞實者其色  
必深黃而老蒼方是全陽正色若純  
黃不蒼而糞有嫩色則胃中火力便  
有不到之處再若淡黃則近白矣近  
白之色則半黃之色也糞色半黃則



穀食半化之色也。糞氣酸腥則穀食半化之氣也。穀食半化則胃中火力盛衰可知也。若必待糞青糞白氣味不臭然後為寒則覺之遲矣。故但以糞色之淺深糞氣之微甚便可別胃氣陽和之成色。智者見於未然而況於顯然乎。余故曰古人以糞黃酸臭為火者大誤也。再若小水之色凡大便瀉痢者清濁既不分小水必不利。小水不利其色必變。即清者亦常有之。然黃者十居八九。此因瀉止陰止則氣不化。氣不化則水涸。水涸則色黃。不清此自然之理也。使非有淋熱痛溢之證而但以黃色便作火治者大誤也。

吐乳

病論治法

小兒吐乳雖有寒熱之不同然寒者多

而熱者少。虛者多而實者少。總由胃弱而然。但察其形色脈證之陰陽則虛實寒熱自有可辨。熱者宜加微清。寒者必須溫補。乳子之藥不必多用。但擇其要者二三四味可盡其妙。如麥蘆飲五味異功散之類。則其要也。若兒小乳多滿而溢者亦是常事。乳行則止不必治也。若乳母有疾因及其子或有別證者又當兼治其母。宜從薛氏之法如左。

薛氏曰前證若小兒自受驚或乳母恚怒致兒吐瀉青色者宜用異功散。○若母食厚味而乳熱者用東垣清胃散。○母飲酒而乳熱者用葛花解酲湯。子服一二匙。○若飲燒酒而乳熱或子母身赤或昏憤服冷米醋三五杯多亦無妨。兒服一二匙。○若母停滯生冷而乳冷者母服人參養胃湯。



子服調中丸。○若母停滯而寢，熱乳者，母服大安丸。子服五味異功散。○若母鬱怒傷肝脾，而乳熱者，用歸脾湯道遙散。○若母脾虛血弱，而乳熱者，用六君子加芎歸。○若母氣血虛，而乳熱者，子母俱服八珍湯。○若母勞後發熱者，乳熱者，子母俱服補中益氣湯。○若因怒動肝火，而乳熱者，用五味異功散加柴胡山梔。○若吐痰涎及白綠水者，木乘脾土虛寒證，也用六君子加柴胡木香。○大凡吐乳瀉青色者，屬驚法，當平肝補脾，吐瀉青白色者，屬寒法，當溫補脾土。○前諸證若手足指熱者，屬實；手足指冷者，屬虛，此亦驗法也。

### 五疳證

病論治法

錢仲陽曰：小兒諸疳皆因病後脾胃虧

損，或用藥過傷，不能傳化乳食，內生津液，虛火妄動，或乳母六淫七情飲食起居失宜，致兒為患。凡疳在內者，目腫腹脹，瀉痢青白，躰漸瘦弱，疳在外者，鼻下赤爛，頻揉鼻耳，或肢躰生瘡，大抵其證雖多，要不出於五臟而五臟之疳不同，當各分辨治之。○肝疳者，一名筋疳，亦名風疳，其證白膜遮睛，或瀉血而瘦，宜用地黃丸以生腎。○心疳者，面黃頰赤，身躰壯熱，宜用硃砂安神丸以治心，異功散以補脾。○脾疳者，一名肥疳，躰黃瘦削，皮膚乾澁，而有瘡疥，腹大嗜土，宜用四味肥兒丸以治疳，五味異功散以生土，或用益黃散。○肺疳者，一名氣疳，喘嗽氣促，口鼻生瘡，宜用人參清肺湯以治肺，益氣湯以生金。○腎疳者，一名骨疳，肢躰瘦削，遍生瘡疥，喜臥



濕地用鉅黃丸○鼻瘡用蘭香散諸瘡用白粉散○若患潮熱當先補肝後瀉心若安以硝黃等藥利之則成疳○若患癰當消糜若誤以巴豆礪砂下之或傷寒誤下皆能成疳○其初病者為熱疳用黃連丸久病者為冷疳用木香丸冷熱相兼者用如聖九津液短少者用七味白朮散○凡此皆因大病脾胃虧損內亡津液所致當固脾胃為主而早為施治則不變敗證也

楊氏曰無辜疳者腦後項邊有核如彈丸按之轉動軟而不疼其內有虫不速鍼出則內食臟腑肢躄癱疽便利膿血壯熱羸瘦頭露骨高宜用大蕪黃湯蟾蜍丸○丁奚者手足極細項小骨高反削躄痿腹大臍突號哭胸陷宜用肥兒丸大蘆薈丸○哺露者

虛熱往來頭骨分開翻食吐虫煩渴嘔噦宜用肥兒丸大蘆薈丸○走馬疳者牙齒蝕爛蓋齒屬腎腎虛受熱痰火上炎致口臭齒黑甚則齲爛牙宜宜敷雄黃散服蟾蜍丸○若作渴瀉痢腫脹勞瘵等證當詳參方論而治之○益疳者乾也因脾胃津液乾涸而患在小兒為五疳在大人為五勞總宜以調補胃氣為主

又楊氏曰又有疳傷者五臟虫疳也其名甚多姑舉其要○虫疳者其虫如絲出於頭項腹背之間黃白赤者可治青黑者難治○蛔疳者雖脅多嘔嘔吐青沫腹中作痛肚脹青筋唇口紫黑頭搖齒痒○脊疳者身熱羸黃煩渴下利拍背有聲脊骨如鋸齒十指皆瘡頰嚙指甲○腦疳者頭皮光急滿頭并瘡腦熱如火髮結如穗遍



身多汗顯腫頰高○疳渴者則煩渴飲水不食夜則渴止○疳瀉者毛焦唇自額上青紋肚脹腸鳴瀉下糞粕○疳利者停積宿滯水穀不聚瀉下惡物○疳腫者虛中有積肚腹脹脾復受濕則頭面手足虛浮○疳勞者潮熱往來五心煩熱盜汗骨蒸嫩喘枯悴渴瀉飲水肚硬如石面色如銀○大抵其證雖多要不出於五臟總宜以五臟之法治之

景岳曰按楊氏云疳者乾在小兒為五疳在大人為五勞然既云為乾又云為勞豈非精血敗竭之證乎察前諸法俱從熱治多用清涼雖此證真熱者固多而元氣既敗則假熱者尤多也即前所用亦有地黃丸異功散益黃散益氣湯之類恐此數方有不足以盡之其或血氣俱損有非大補

不可者陰虛假熱脾敗腎虧又有非溫補不可者貴在酌證酌宜仍當以虛損治勞之法參用庶得盡善

薛氏曰按疳證或以哺食大早或嗜食甘肥或服峻厲之藥重上津液虛火熾盛或因稟賦或乳母厚味七情致之各當調治其內○若口舌蝕爛身熱壯熱頰唇赤色或作腫痛腹脹煩悶或掌熱咽乾作渴飲水便赤盜汗齒齲虛驚此心經內外疳也宜安神死之類主之○若鼻外生瘡眼自赤爛肢體似癩兩耳前後項側缺盆兩腋結核或小腹內股玉莖陰囊等丸腫潰小便不調或出白津或咬指甲搥頭側目白膜遮睛羞明畏日肚大青筋口乾下血此肝經內外疳也用地黃蘆薈二丸主之○若頭不生髮或生瘡癩或髮成穗或人中口吻赤



爛腹痛吐逆乳食不化口乾噎土瀉  
 下酸臭小便白濁或合目昏睡惡聞  
 木音此脾經內外疳也用肥兒丸主  
 之○若鼻外生瘡咽喉不利頭腫齒  
 痛欬嗽寒熱皮膚皺錯欠伸少氣鼻  
 痒出涕衄血目黃小便頻數此肺經  
 內外疳也用地黃清肺飲主之○若  
 腦熱吐痰手足逆冷寒熱往來滑泄  
 肚痛口臭作渴齒齲潰爛爪黑面腫  
 身耳生瘡或耳出水或食自髮此腎  
 經內外疳也用地黃丸主之○凡疳  
 熱上攻或痘毒上升為患甚速名爲  
 走馬疳急敷雄黃散搽牙散馬鳴散  
 擇而用之服蟾蜍丸輕則牙齲腐爛  
 唇吻腫痛可治甚則牙齲蝕落頰頰  
 透爛不治

盜汗 病論治法

小兒元氣未充腠理不密所以極易汗  
 出故凡飲食過熱或衣被過暖皆能  
 致汗東垣諸公云此是小兒常事不  
 必治之然汗之根本由於營氣汗之  
 啟閉由於衛氣若小兒多汗者終是  
 衛虛所以不固汗出既多未免營衛  
 血氣愈有所損而衰羸之漸未必不  
 再乎此此所以不可不治也大都治  
 汗之法當以益氣爲主但使陽氣外  
 固則陰液內藏而汗自止矣

治法凡小兒無故常多盜汗或自汗者  
 宜以團參散爲主或參苓散四君子  
 湯五味異功散或白朮散之類俱可  
 擇用○若其甚者宜三陰煎人參養  
 營湯或十全大補湯○若心經有火  
 而見煩渴者宜生脈散一陰煎○若  
 肝脾火盛內熱薰蒸血熱而汗出者  
 脈必洪滑證多煩熱宜當歸六黃湯



或加減一陰煎○若陽明實熱汗出  
 大渴者宜仲景竹葉石膏湯○若因  
 病後或大吐大瀉之後或誤用劫伐  
 之藥以致氣虛氣脫而大汗出陽者  
 速宜用參附湯六味回陽飲或芪附  
 湯之類庶可挽回也○大都汗多亡  
 陽者多致角弓反張項強戴眼等證  
 此太陽少陰二經精血耗散陰虛血  
 燥而然速宜用大管煎人參養營湯  
 或十全大補湯之類方可解救若作  
 風治萬無一生矣○前汗證門有詳  
 論詳法所當參閱○余之見輩有於  
 襦祿中多盜汗者但以人參一錢泡  
 湯與服當夜即止久不服參必又汗  
 出再服再止其效如神凡養兒者亦  
 可以此為常法

腹脹腹痛

病論治法

小兒腹脹腹痛多因食積或寒涼傷脾  
 而然內經曰病痛者陰也又曰痛者  
 寒氣多也有寒故痛也東垣曰寒脹  
 多熱脹少皆主於脾胃故凡小兒肚  
 腹或脹或痛雖曰多由積滯然脾胃  
 不虛則運化以時何致作脹是脹必  
 由於虛也若胃氣無傷而腹中和暖  
 則必無留滯作痛是痛多由乎寒也  
 故治痛治脹者必當以健脾胃為  
 主若無火證不得妄用涼藥若無痞  
 按堅實等證不得妄用攻藥

治法凡小兒肚腹膨脹或時常作痛黃  
 瘦常用調理之法惟芍藥枳實丸加  
 減用之為宜且善止腹痛或大健脾  
 丸楊氏啟脾丸和中丸之類皆可酌  
 用○若偶爾傷脾氣促困倦外見腹  
 脹而內不脹者此脾氣虛也宜五味  
 異功散或六味異功煎○若脾胃陽



氣不足虛寒作脹或畏寒或手足冷  
或兼嘔瀉者宜五君子煎養中煎溫  
胃飲六君子湯或調中丸○若兼脾  
腎陽虛或水泛為痰或喘促痛脹泄  
瀉宜理陰煎加減主之○若脾胃氣  
虛而痛滯吐瀉者宜六味異功煎或  
六君子湯加木香或調中湯○若胃  
口偶有留滯大痛而脹者宜排氣飲  
或益黃散○若病食偶有不消而暫  
為脹滿者宜大小和中飲或保和丸  
消食丸○若有堅積停滯脹痛拒按  
形氣俱實者宜赤金豆白餅子紫霜  
丸之類攻下之○凡諸未盡宜於腹  
痛腫脹二門參酌為治

余初年在京治一五歲隣女適經葉鋪  
見有晒晾巴豆其父誤以為松仁以  
一粒與食之嚼而味辣即吐吐出而  
已半粒下咽矣少頃大瀉十餘次瀉

後次日即致肚腹通身悉皆腫脹絕  
食不食因求治於余或謂宜黃連綠  
豆以解毒或謂宜四苓五皮以利水  
余曰大攻之後豈非大虛之證乎能  
再堪苦寒以敗脾胃否大瀉之後又尚  
有何水之可利遂單用獨參湯及溫  
胃飲以培脾氣不數劑而復元如初  
夫既以木瀉而何以反脹若因此  
一證乃知大虛大寒而致成腫脹者  
類多如此 新按

痞塊 病論治法

小兒多有痞塊者總由口腹無節見食  
必啖食上加食脾胃化之不及則胃  
絡所出之道未免漸有留滯留滯不  
已則時以益大因成痞矣或以感寒  
發熱之後胃氣未清此時最宜擇食  
節食若不知慎則食以邪留最易成



痞此實人所不知也。痞痞塊既成，必在腸胃之外膜，膈之間，故非可以消伐之劑推逐而去者。若但知攻痞，則胃氣益弱，運化失權，不惟不能消痞，且致脾土虧損，則痞邪益橫而變證百出矣。故治此者，當酌其緩急，專以調補胃氣為主。外則用膏用灸，以拔其結絡之根，庶為萬全之策。

凡調理脾胃之法，若痞邪未甚，宜芍藥枳實丸加減用之，為善。或大健脾胃及楊氏啟脾丸皆可擇用。○若脾胃氣虛食少，躄瘦宜五味異功散。○若脾胃虛寒者，宜調中丸溫胃飲五君子煎。○若兼胃脘停積食滯，作脹者宜保和丸消食丸，或大小和中飲。○若脹急堅實，形氣尚強，不得不瀉者，宜赤金豆白餅子。○若痞久成熱，致動陽明之火，而牙口潰爛成疔者，宜

蘆薈丸胡黃連丸或蟾蜍丸。○此外如貼痞膏及灸治之法，俱詳載積聚門。

### 癩痢 病論治法

錢仲陽曰：小兒發癩，因血氣未充，神氣未實，或為風邪所傷，或為驚怪所觸，亦有因妊娠時七情驚怖所致。若眼直目牽，口噤涎流，肚膨發搐，項皆反張，腰脊強勁，形如死狀，終日不醒，則為癩矣。○凡治五癩，皆隨臟治之。每臟各有一獸之形，通用五色丸為主，仍參以各經之藥，發而重者，疾病甚者亦死。○如面赤目瞪吐舌，噤唇心煩氣短，其聲如羊者，曰心癩。血虛者用養心湯發熱飲，冷為實熱，用虎睛丸發熱飲湯為虛熱，用辰砂妙香丸。○面青唇青，兩眼上竄，手足攣掣，反



其聲如犬者曰肝癰肝之虛者用  
地黃丸抽搦有刀爲實邪用柴胡清  
肝散大便不通用瀉青丸○面黑目  
振吐涎沫形軀如尸其聲如猪者曰  
腎癰用地黃丸紫河車丸之類腎無  
瀉法故徑從虛治之○面如枯骨目  
白反視驚跳反折搖頭吐沫其聲如  
鷄者曰肺癰肺氣虛者用補肺散面  
色痿黃者土不能生也五味異功  
散面色赤者陰火上衝於肺也用地  
黃丸○面色痿黃目直腹滿自利四  
肢不收其聲如牛者曰脾癰用五味  
異功散若面青瀉利飲食少思用六  
君子加木香柴胡○若發熱拙擊仰  
臥面色光澤脈浮者病在腑爲陽證  
易治身冷不搐覆臥面色黯黑脈沈  
者病在臟爲陰證難治○凡有此證  
先宜看耳後高骨間若有青脈紋此

抓破出血可免其患此皆元氣不足  
之證也須以紫河車丸爲主而以補  
藥佐之設若泛行劫伐復傷元氣則  
必不時舉發久而變危多致不救○  
又有驚癰風癰食癰三種治驚癰宜  
比金丸茯神丸錢氏養心湯辰砂妙  
香散清神湯虎睛丸之類主之風癰  
用錢氏牛黃丸消風丸星蘇散之類  
主之食癰用妙聖丹主之

薛立齋曰妊娠若遇驚恐則必內應於  
胎故一月足厥陰脈養驚則汗有病  
二月足少陽脈養驚則胆受病三月  
手少陰脈養驚則心受病四月名爲  
離經五月足太陰脈養驚則脾受病  
六月足陽明脈養驚則胃受病七月  
手太陰脈養驚則肺受病八月手陽  
明脈養驚則大腸受病九月足少陰  
脈養驚則腎受病是臟腑納氣於丹



田自肝至腎十經滋養而生此則居  
中所致也若既生之後或驚怪所觸  
或乳哺失節或乳母飲食起居六淫  
七情臟氣不平亦致是證須察見證  
屬於何經更別陰陽以調補脾胃為  
主否則不時舉發甚至不救

附按

薛氏治一小兒患前證味痰困倦半餉  
而甦諸藥不效生至十三而頻發用  
肥厚紫河車生研爛入人參當歸末  
搗丸桐子大每服三五十九日進三  
五服乳化下一月漸愈又佐以八珍  
湯全愈

又一兒七歲發驚癇令其恣飲人乳  
後發漸疎而輕至十四復發用乳不  
效亦用河車丸數具而愈常用加減  
八味丸而安後至二十三歲復發而  
手足厥冷仍用前法佐以八味丸十

全大補湯而痊

又治數小兒皆以補中益氣湯六君  
子湯六味八味等丸相間用之皆得  
全愈

癲癇諸經義及大人證治諸法俱詳載  
癲狂門所當參閱

溺白

病論治法

小兒便如米泔或溺停少頃變作泔濁  
者此脾胃濕熱也凡飲食不節者多  
有此證然亦有氣虛下陷而然者○  
若脈證兼火者當清利宜導赤散或  
四味肥兒丸○若飲食過傷兼脹滿  
者宜保和丸大安丸○若形氣不足  
或黃瘦或嘔泄者宜五味異功散或  
四君子湯或補中益氣湯○若汗腎  
火虛移熱膀胱者必兼通瀉煩熱宜  
七味龍胆瀉肝湯○若脾胃本虛而



復兼溫熱者宜四君子湯加炒黃連  
○若止見瀉白而別無煩熱脈證則  
但節其生冷水果及甘甜等物不久  
自愈切不可因其瀉白而過用苓連  
梔子之類多致傷脾而反生吐瀉等  
證漸至羸敗者是誤治之害也不  
可不察

### 變蒸

巢氏云小兒變蒸者以長血氣也變者  
上氣蒸者熱熱仲陽曰變者易也  
小兒在母腹中乃生骨氣五臟六腑  
成而未全自生之後即長骨脈臟腑  
之神志自內而長自下而上故以生  
之日後三十二日一變蒸身覺情志  
有異於前何也長生意志臟腑故也  
何謂三十二日長骨添精神益人有  
三百六十五骨節以應天數內除手

足中四十五碎骨外共有三百二十  
數自下生骨一日十段而上之十日  
百段而三十二日計三百二十段為  
一遍亦曰一蒸凡一周遍乃生虛熱  
諸病如是十周則小蒸畢也故初三  
十二日一變生腎志六十四日二變  
一蒸生膀胱九十六日三變生心喜  
一百二十八日四變二蒸生小腸一  
百六十日五變生肝哭一百九十二  
日六變三蒸生膽二百二十四日七  
變生肺聲二百五十六日八變四蒸  
生大腸二百八十八日九變生脾三  
百二十日十變五蒸生胃此所謂小  
蒸畢也又手厥陰經為臟手少陽經  
三焦為腑此一臟一腑俱無狀故不  
變不蒸也大倉云氣八四肢長碎骨  
於十變後六十四日為一大蒸計三  
百八十四日又六十四日為二大蒸



計四百四十八日又六十四日為三  
 大蒸計五百一十二日至五百七十  
 六日變蒸既畢兒乃成人也變者生  
 五臟也蒸者養六腑也每經一變一  
 蒸情態即異經則發熱微汗其狀似  
 驚重則壯熱脈亂而數或汗或吐或  
 煩啼躁渴輕者五日解重者七八日  
 解其候與傷寒相似其治法平穩者  
 微表之實熱微利之用紫霜丸黑散  
 子柴胡散有寒無熱并吐瀉不乳多  
 啼者當歸散調氣散主之

薛立齋曰全兒方論云變蒸者以長氣  
 血也變者上氣蒸者發熱也輕則熱  
 熱虛驚耳冷微汗唇生白泡三日可  
 愈重則寒熱脈亂腹痛啼叫不能乳  
 食食即吐哕五日方愈古方以黑散  
 子紫霜丸主之竊謂此證小兒所不  
 免者雖勿藥可也况前藥乃屬峻厲

非惟臟腑不能勝抑且反傷氣血慎  
 之慎之余嘗見一小兒至二變發熱  
 有痰投以抱龍丸一粒卒至不投觀  
 此可驗其若不熱不驚略無證候而  
 猶變者蓋受胎氣壯實故也

景岳曰小兒變蒸之說古所無也至西  
 晉王叔和始一言之繼自隋唐巢氏  
 以來則日相傳演其說益繁然以余  
 觀之則似有未必然者何也蓋兒胎  
 月足離懷氣質雖未成實而臟腑已  
 皆完備及既生之後凡長養之機則  
 如月如商一息不容有間百骸齊到  
 自當時異而日不同豈復有彼此先  
 後如一變生腎二變生膀胱及每變  
 必三十二日之理乎又如小兒之病  
 與不病余所見所治者蓋亦不少凡  
 屬違和則不外感必以內傷初未  
 聞有無因而病者豈真變蒸之謂耶



又見保護得宜而自生至長毫無疾  
痛者不少抑又何也雖有暗變之說  
終亦不能信然余恐臨證者有執迷  
之誤故道其愚昧若此及如前薛氏  
之戒皆不可不察也明達者以爲然  
否

### 新八略引

藥不執方合宜而用此方之不必有  
也方以之法以制宜此方之不可  
無也夫方之善者得其宜也得其宜  
者可爲法也方之不善者失其宜也  
失其宜者所爲鑑也第法有善不善  
人有知不知必善於知方者斯可以  
執方亦可不以不執方能執方能不執  
法者非隨時之人不能也此方之所  
不可廢者正欲以啟發其人耳余因  
選百方之得宜者其若干首列爲八

陣已不爲不多矣第以余觀之若此  
猶有未盡因復制新方八陣此其中  
有心得焉有經驗焉有補古之未備  
焉凡各方之下多附加減等法及分  
兩之數俱有出入不一者正以見方  
之不可執也八陣之中如攻方寒方  
之不<sub>多</sub>及者以古法既多不必更爲  
倭足也大都方宜從簡而余復死之  
不<sub>尤</sub>鄙乎正意在死中求簡取此制  
方之意也然用方之意則猶有說焉  
夫意貴圓通用嫌執滯則其要也若  
似圓無主則雜亂生而無不可矣不  
知疑似間自有<sub>一定</sub>不易之道此圓  
通中不可無執持也若執持<sub>一不</sub>反則  
偏<sub>生</sub>而動相左矣不知<sub>倏忽</sub>間每  
多<sub>三</sub>因難側之變此執持中不可無  
圓活也圓活宜從<sub>三思</sub>執持須有定  
見既能執持又能圓活其<sub>萬</sub>方<sub>萬</sub>圓



之人乎而人其為誰哉

一補略

補方之制補其虛也凡氣虛者宜補其  
上參黃芪之屬是也精虛者宜補  
其下熟地枸杞之屬是也陽虛者宜  
補而兼暖桂附乾薑之屬是也陰虛  
者宜補而兼清門冬芍藥生地之屬  
是也此固陰陽之治辨也其有氣因  
精而虛者宜當補精以化氣精因氣  
而虛者宜當補氣以生精又有陽失  
陰而離者不補陰何以收散亡之氣  
水失火而敗者不補火何以甦垂寂  
之陰此又陰陽相濟之妙用也故善  
補陽者必於陰中求陽則陽得陰助  
而生化無窮善補陰者必於陽中求  
陰則陰得陽升而泉源不竭余故曰  
以精氣分陰陽則陰陽不可離以寒

熱分陰陽則陰陽不可混此又陰陽  
邪正之離合也故凡陽虛多寒者宜  
補以甘溫而清潤之品非所宜陰虛  
多熱者宜補以甘涼而辛燥之類不  
可用知宜知避則不惟用補而八方  
之制皆可得而貫通矣

二和略

和方之制和其不和者也凡病兼虛者  
補而和之兼滯者行而和之兼寒者  
溫而和之兼熱者涼而和之和之為  
義廣矣亦猶土兼四氣其於補瀉溫  
涼之用無所不及務在調平元氣不  
失中和之為貴也故凡陰虛於下而  
精血虧損者忌利小便如四苓通州  
湯之屬是也陰虛於上而肺熱乾  
者忌用辛燥如半夏蒼朮細辛香附  
芎歸白朮之屬是也陽虛於上忌消



耗如陳皮砂仁木香檳榔之屬是也  
陽虛於下者忌沈寒如黃蘗知母梔  
子木通之屬是也大便秘澀者忌滑  
利如冬牛漆菴蓉當歸柴胡童便  
之屬是也表邪未解者忌收斂如五  
味子仁地榆文蛤之屬是也氣滯者  
忌閉塞如黃芩白朮薯蕷甘州之屬  
是也經滯者忌寒凝如門冬生地石  
斛芩連之屬是也凡邪火在上者不  
宜升火得升而愈熾矣沈寒在下者  
不宜降陰被降而愈亡矣諸動者不  
宜再動如火動者忌溫煖血動者忌  
辛香汗動者忌蘇散神動者忌耗傷  
凡性味之不靜者皆所當慎其於剛  
暴更甚者則又在不言可知也諸靜  
者不宜再靜如沈微細弱者脈之靜  
也神昏氣怯者陽之靜也肌腠清寒  
者表之靜也口腹良寒者裏之靜也

凡性味之陰柔者皆所當慎其於沈  
寒更甚者又在不言可知也夫陽主  
動以動濟動火上添油也不焦爛平  
陰主靜以靜益靜雪上加霜也不寂  
滅乎凡前所論論其略耳而書不盡  
言信不盡意能因類而廣之則在乎  
其人矣不知此義又何和劑之足云

### 三攻略

攻方之制攻其實也凡攻氣者攻其聚  
聚可散也攻血者攻其瘀瘀可通也  
攻積者攻其堅在藏者可破可培在  
經者可鍼可灸也攻痰者攻其急真  
實者暫宜解標虛者只宜求本也  
但諸病之實有微甚用攻之法分重  
輕大實者攻之未及可以再加微實  
者攻之太過每因致害所當慎也凡  
病在陽者不可攻陰病在腑者不可



攻臟若此者邪必乘虛內陷所謂引賊入寇也病在陰者勿攻其陽病在裏者勿攻其表若此者病必因誤而甚所謂自撤藩蔽也大都治宜用攻必其邪之甚者也其若實邪果甚自與攻藥相宜不必雜之補劑益實不嫌攻若但略加甘滯便相牽制虛不嫌補若但略加消耗備覺相妨所以寒實者最喜清熱實者最喜寒暖然實而誤補不過增病病增者可解虛而誤攻必先脫元元脫者無治矣是皆攻法之要也其或虛中有實實中有虛此又當酌其權宜不在急宜攻急宜補者之例雖然凡用攻之法所以除兇剪暴也亦猶亂世之兵必不可無然惟必不得已乃可用之若或有疑寧加詳慎益攻雖去邪無弗傷氣受益者四受損者六故攻之人可知矣

### 四散略

用散者散表證也觀仲景太陽證用麻黃湯陽明證用升麻葛根湯少陽證用小柴胡湯此散表之準繩也後世宗之而復不能用之在不得其意耳蓋麻黃之氣峻利而勇凡太陽經陰邪在表者寒毒既深非此不達故制用此方非謂太陽經藥必須麻黃也設以麻黃治陽明少陽之證亦寒無不散兼恐性力太過必反傷其氣豈謂某經某藥必不可移易亦不過分其輕重耳故如陽明之升麻葛根未有不走太陽少陽者少陽之柴胡亦未有不入太陽陽明者但用散之法



當知性力緩急及氣味寒溫之辨用得其宜諸經無不如此也如麻黃桂枝峻散者也防風荆芥紫蘇平散者也細辛白芷生薑溫散者也柴胡乾葛薄荷涼散者也羌活蒼朮能走經去濕而散者也升麻川芎能舉陷上行而散者也芩邪淺者忌峻利之屬氣弱者忌雄悍之屬熱多者忌溫燥之屬寒多者忌清涼之屬凡熱渴煩躁者喜乾葛而阻惡者忌之寒熱往來者宜柴胡而他瀉者忌之寒邪在上者宜升麻川芎而內熱炎升者忌之此性用之宜忌所當辨也至於相配之法則尤當知要凡以平兼清自成涼散以平兼暖亦可溫經宜大溫者以熱濟熱宜大涼者以寒濟寒此運用之權則毫厘進退自有伸縮之妙又何必膠柱刻舟以限無窮之病變

故此無他在不知仲景之意耳

### 五寒略

寒方之制為清火也為除熱也夫火有陰陽熱分上下據古方書咸謂黃連清心黃芩清肺石斛芍藥清脾龍胆瀉肝黃柏清腎今之用者多守此法是亦膠柱法也大凡寒涼之物皆能瀉火豈有涼此而不涼彼者但當分其輕清重濁性力微甚用得宜則善矣夫輕清者宜以清上如黃芩石斛連翹天花之屬是也重濁者宜於清下如梔子黃柏龍胆滑石之屬也性力之厚者能清大熱如石膏黃連蘆薈苦參山豆根之屬也性力之緩者能清微熱如地骨皮玄參貝母石斛童便之屬也以攻而用者去實熱之熱如大黃芒硝之屬也以利而用



者去瘴閉之熱如木通茵陳猪苓澤  
瀉之屬也以補而用者去陰虛諸燥  
之熱如生地二冬芍藥梨漿細甘艸  
之屬也方書之分經用藥者意正在  
此但不能明言其意耳然火之甚者  
在上亦宜直瀉火之微者在下亦可  
輕瀉夫宜涼之熱皆實熱也實熱在  
下自宜清利實熱在上不可升提蓋  
火本屬陽宜從陰治從陰者宜降升  
則反從其陽矣經曰高者抑之義可  
知也外如東垣有升陽散火之法此  
以表邪生熱者設不得與伏火內炎  
者茲論

### 六熱略

熱方之制爲除寒也夫寒之爲病有寒  
邪犯於肌表者有生冷傷於脾胃者  
有陰寒中於臟腑者此皆外來之寒

去所從來則其治也是皆人所易知  
者至於本來之寒生於無形無嚮之  
間初無所感莫測其因人之病此者  
最多人之知此者最少果何謂哉觀  
丹溪曰氣有餘便是火余續之曰氣  
不足便是寒夫今人之氣有餘者能  
十中之幾其有或因稟受或因喪敗  
以致陽氣不足者多見寒從中生而  
陽衰之病無所不致第其由來者漸  
形見者微當其未覺也孰爲之意及  
其既甚也始知治難辨庸醫多有不  
識每以假熱爲真火因復斃於無形  
無嚮者又不知其幾許也故惟高明  
見道之士常以陽衰根本爲憂此熱  
方之不可不知也凡用熱之法如乾  
薑能溫中亦能散表嘔惡無汗者宜  
之肉桂能行血善達四肢血滯腹痛  
者宜之吳茱萸善暖下焦腹痛泄瀉



者極妙肉豆寇可溫脾腎發泄滑利者最奇胡椒溫胃和中其類近者藜蘆丁香香止嘔行氣其煖過於豆仁補骨脂性降而善閉故能納氣定喘止帶濁泄瀉製附子性行如酒故無處不到能救急回陽至若半夏南星細辛烏藥良薑香附木香茴香仙茅巴戟之屬皆性溫之當辨者然用熱之法尚有其要以散兼溫者散寒邪也以行兼溫者行寒滯也以補兼溫者補虛寒也第多汗者忌薑薑能散也失血者忌桂桂動血也氣短氣怯者忌破紙故紙降氣也大凡氣香者皆不利於氣虛證味辛者多不利於見血證所當慎也是用熱之概也至於附子之辨凡今之用者必待勢不可為不得已然後用之不知回陽之功當用於陽氣將去之際便當漸用以

聖挽回若用於既去之後死灰不可復然矣尚何益於事哉但附子性悍獨住為難必得大甘之品如人參熟地炙甘艸之類皆足以制其剛而濟其勇以補培之無往不利矣此盡天中大將軍也可置之無用之地乎但知之真而用之善斯足稱將將之手矣

### 七固略

固方之制固其他也如久嗽為喘而氣泄於上者宜固其肺久遺成淋而精脫於下者宜固其腎小便不禁者宜固其膀胱大便不禁者宜固其腸臟汗泄不止者宜固其皮毛血泄不止者宜固其管衛凡因寒而泄者當固之以熱因熱而泄者當固之以寒總之在上者在表者皆宜固氣氣主在



肺也在下者在裏者皆宜固精精主  
在腎也然虛者可固實者不可固久  
者可固暴者不可固當固不固則滄  
海亦將竭不當固而固則閉門延寇  
也二者俱當詳酌之

### 八因略

因方之制因其可因者也凡病有相同  
者皆可按證而用之是謂因方如癰  
毒之起腫可敷也蛇虫之患毒可解  
也湯火傷其肌膚熱可散也跌打傷  
其筋骨斷可續也凡此之類皆因證  
而可藥者也然因中有不可因者又  
在乎證同而因不同耳蓋人之虛實  
寒熱各有不齊表裏陰陽治當分類  
故有宜於此而不宜於彼者有同於  
表而不同於裏者所以病雖相類而  
但涉內傷者便當於血氣中酌其可

否之因不可謂因方之類盡可因之  
而用也因之為用有因標者有因本  
者勿因此因字而誤認因方之義

### 補陣新古列方

五福飲 凡五臟氣血虧損者此能兼

治之足稱王道之最

人參隨宜 熟地隨宜 當歸二三錢  
白朮炒一錢 炙甘草一錢 白朮半斤

水二鐘煎七分食遠溫服○或加生  
薑三五片○凡治氣血俱虛等證以  
此為主或宜溫者加薑附宜散者加  
升麻柴葛左右逢源無不可也

七福飲 治氣血俱虛而心脾為甚者

即前方加東仁二錢 遠志三五分  
與用

一陰煎 此治水虧火勝之劑故曰丁



陰凡腎水真陰虛損而脈證多陽虛  
火發熱及陰虛動血等證或瘧疾傷  
屢散之後取汗既多脈虛氣弱而  
渴不止潮熱不退者此以汗多傷  
陰水虧而然也皆宜用此加減主之

生地 錢二 熟地 錢三五 芍藥 錢二  
麥冬 錢二 甘州 錢一 牛膝 錢半  
丹參 錢二

水二鐘煎七分食遠溫服○如火盛  
躁煩者入真龜膠二三錢化服○如  
氣虛者間用人參一二錢○如心虛  
不眠多汗者加東仁當歸各一二錢  
○如汗多煩躁者加五味子十粒○  
或加山藥山茱萸○如見微火者加  
女貞子一二錢○如虛火上浮或吐  
血或衄血不止者加澤瀉一二錢茜  
根二錢或加川續斷一二錢以飲之  
亦好

加減一陰煎 治證如前而火之甚者  
宜用此方 熟地 錢三五

生地 芍藥 麥冬 各五錢  
炙甘州 分五 知母 地骨皮 各一錢  
水二鐘煎服○如躁煩熱甚便秘者  
加石膏二三錢○如小便熱澀者加  
梔子一二錢○如火浮於上者加澤  
瀉一二錢或黃芩一錢○如血燥血  
少者加當歸一二錢

三陰煎 此治肝脾虛損精血不足及  
營虛失血等病故曰三陰凡中風血  
不養筋及瘧疾汗多邪散而寒熱猶  
不能止是皆少陽厥陰陰虛少血之  
病微有火者宜一陰煎無火者宜此

當歸 錢三 熟地 錢三五 炙甘州 錢一  
芍藥 錢二 粳仁 錢二 人參 隨宜  
水二鐘煎七分食遠服○如嘔惡者



加生薑三五片○汗多煩躁者加五味子十四粒○汗多氣虛者加黃芪二錢○小腹隱痛加枸杞二三錢○如有脹悶加陳皮一錢○如腰膝筋骨無力加杜仲牛膝

大營煎 治真陰精血虧損及婦人經遲血少腰膝筋骨疼痛或氣血虛寒心腹疼痛等證

當歸 二錢  
或五錢  
熟地黄 三五錢  
枸杞 二錢  
炙甘州 二錢  
杜仲 二錢  
牛膝 一錢  
肉桂 二錢

水二鐘煎七分食遠溫服○如寒滯在經氣血不能流通筋加故紙一錢炒用○如氣虛者加人參白朮○中氣虛寒嘔惡者加炒焦乾薑一二錢  
四君子湯 治脾胃虛飲食少思或嘔吐大便不實躄瘦面黃或胸膈虛痞吞酸痰嗽或脾胃虛弱善患瘧痢等證

人參 白朮 茯苓  
炙甘州 陳皮 各一錢  
此即四君子

五味異功散 治脾胃虛寒飲食少思嘔吐或久患咳嗽或面滯氣逆腹滿等證  
人參 白朮 久患瘧痢或食飲難化或嘔吐吞酸或痰嗽喘促若虛火等證須加炮薑陳皮 各一錢  
右加薑朮水煎服  
其功尤速  
即前四君子湯加陳皮半夏各一錢五分

八珍湯 治氣血兩虛調和陰陽  
即前四君子四物湯相合也○本方加黃柏知母即名補陰

人參 白朮 茯苓  
甘州 熟地黄 芍藥  
當歸 川芎

十全大補湯 治氣血俱虛惡寒發熱自汗盜汗肢膝困倦眩暈驚悸肺熱



五  
作渴遺精白濁二便見血小便短少  
便池閉結喘欬下墜等證

即前八珍湯加熟肉桂各一錢

養榮湯 治脾肺俱虛惡寒發熱  
肢躄瘦倦食少作瀉口乾心悸自汗  
等證

人參 黃芪 當歸 白朮

炙甘艸 桂心 陳皮錢各 熟地

五味 茯苓錢各 白芍錢半

遠志分五

加薑棗水煎服

補中益氣湯 治勞倦傷脾中氣不足

清陽不升外感不解肢倦食少寒熱  
瘧痢氣虛不能攝血等證

人參 黃芪炒 白朮炒

甘艸錢各 當歸錢一 陳皮分五

升麻錢半 柴胡分各三

右加薑棗水煎空心午前服

歸脾湯

治思慮傷脾不能攝血致血  
忘行或健忘怔忡驚悸盜汗嗜臥少  
食或大便不調心脾疼痛瘧痢鬱結  
或因病用藥失宜剋伐傷脾以致更  
證者最宜用之

人參 黃芪 白朮

茯苓 粳仁各二錢 遠志

當歸錢各 木香 炙甘艸錢各五

水二鍾加圓眼肉七枚煎七分食遠  
服

愚意此湯之用木香特因鬱結疼痛  
者設如無痛鬱等證必須除去木香  
以避香燥豈不於氣虛血動者為尤  
善乎又遠志味辛氣升而散凡多汗  
而躁熱者亦宜酌用

加味歸脾湯 治脾經血虛發熱等證

即前方加柴胡山梔各一錢

人參湯 治吐血咯血後宜服并治吐



血不止

人參 一兩為細末

五更時用雞蛋白清調如稀糊每用二錢茶匙抄服服訖却臥參盡則效○愚意此方固佳其或有惡腥者但以真牛乳稀調頓熟或溫飲之凡無火及微火者豈不更妙○一方治吐衄咯血不止用人參為末以雞子清投新汲水攪勻調服一二錢

參附湯

治真陽不足上氣喘急呃逆自利臍腹痛手足厥冷嘔惡不食自汗氣短頭暈等證

人參

製附子 用須參倍於

附或等分不拘五錢或一两酌宜用薑水煎服○良方有丁香十五粒為加減參附湯

參附湯

治氣虛陽弱虛汗倦怠

黃芪 蜜炙

製附子 等分

每服四錢水一鍾薑五片煎六分食遠服

參苓散

治睡中汗出

人參

酸枣仁

白茯苓 各等分

右為細末每服三錢食遠米飲調下大人小兒皆可服

生脈散

治熱傷元氣肢體倦怠氣短口渴汗出不止或金為火制水失所生而致欬嗽喘促肢體痿弱脚軟眼黑等證

人參 錢

麥冬

五味子 各錢

水煎服○此方以生脈為名故俗醫之治脈脫者每多用此是豈知脈脫由陽氣虛寒冬五味之所宜乎見亦淺矣

六味地黄丸

即金匱腎氣丸亦名地

黃丸治腎水虧損小便淋閉頭目眩暈腰腿痠軟陰虛發熱自汗盜汗



悴瘦弱精神疲困失血失音水泛為痰病為腫脹壯水制火之劑也

熟地黄八兩 山茱萸 山藥各四兩

丹皮 澤瀉 白茯苓各三兩

右為細末和地黃膏加煉蜜為丸桐子大每服七八十丸空心食前滾白湯或淡鹽湯任下○此方用水煎湯即名六味地黃湯下八味丸亦同

八味丸 治命門火衰不能生土以致脾胃虛寒飲食少思大便不實或下元冷憊臍腹疼痛等證○王太僕曰益火之源以消陰翳即此謂也○即前六味地黃丸加肉桂製附子各一兩

加減八味丸 治腎水不足虛火上炎發熱作渴口舌生瘡或牙根潰蝕咽喉疼痛寢汗憔悴等證此賤川陳自明方李氏云凡發背之熱未有不自

腎虛而得之者必須五更服加減八味丸○即前六味丸加肉桂一兩五味子四兩炒用內澤瀉切片蒸五次培用○一方五味止用一兩

### 和陣新古列方

金水六君煎 治肺腎虛寒水泛為痰或羊遺陰虛血氣不足外受風寒痰嘔惡多痰喘急等證神效

當歸二錢 熟地三五錢 陳皮一錢

半夏二錢 茯苓二錢 炙甘草一錢

水二鍾生薑三五七片煎七八分食遠溫服○如大便不實而多濕者去當歸加山藥○如痰盛氣滯胸膈不展者加白芥子七八分○如陰寒盛而嗽不愈者加細辛五七分○如兼表邪寒熱者加柴胡一二錢

六安煎 治風寒咳嗽及非風初感痰



滯氣逆等證

陳皮一錢

半夏三錢

枳殼二錢

甘州一錢

杏仁一錢

白芥子七五

分老羊氣

弱者不用

水一鍾半加生薑三五七片煎七分

食遠服○凡外感風邪咳嗽而寒氣

盛者多不易散宜加北細辛七八分

或一錢○若冬月嚴寒邪甚者加麻

黃桂枝亦可○若風勝而邪不甚者

加防風一錢或蘇葉亦可○若頭痛

鼻塞者加川芎白芷蔓荊子皆可○

若兼寒熱者加柴胡蘇葉○若風邪

咳嗽不止而兼肺胃之火者加黃芩

一二錢甚者再加知母石膏所用生

薑止宜一片○凡寒邪咳嗽痰不利

者加當歸二三錢老羊者尤宜若氣

血不足者當以金水六君煎與此卷

用○凡非風初感痰勝而氣不順者

加藿香一錢五分兼脹滿者加厚朴

一錢暫開痰氣然後察其寒熱虛實

而調補之若氣虛猝倒及氣平無痰

者皆不可用此

芥朮二陳煎 治痰飲水氣停竇心下

嘔吐吞酸等證

猪苓一錢

白朮二錢

澤瀉一錢

陳皮一錢

半夏三錢

炙甘草八分

乾薑二錢

茯苓二錢

水一鍾半煎服○如肝腎兼寒者加

肉桂一二錢

和胃飲 治寒濕傷脾霍亂吐瀉及痰

飲水氣胃脘不清嘔惡脹滿腹痛等

證○此即平胃散之變方也凡嘔吐

等證多有胃氣虛者一聞蒼朮之氣

亦能動嘔故以乾薑代之

陳皮

厚朴各一錢

乾薑一錢

炙甘草一錢



水一鍾半煎七分温服○此方凡霍香木香丁香茯苓半夏扁豆砂仁澤瀉之類皆可隨宜增用之若胸腹有滯而兼時氣寒熱者加柴胡

排氣飲 治氣逆食滯脹痛等證

陳皮一錢五分 木香七分或一錢 藿香一錢五分

香附二錢 枳殼一錢五分 澤瀉二錢

烏藥二錢 厚朴一錢

水一鍾半煎七分熱服○如食滯者加山查麥芽各二錢○如寒滯者加焦乾薑吳茱萸肉桂之屬○如氣逆之甚者加白芥子沈香青皮檳榔之屬○如嘔而兼痛者加半夏丁香之屬○如痛在小腹者加小茴香○如兼疝者加荔枝枝煨熟搗碎用二三錢

大和中飲 治飲食留滯積聚等證

陳皮二錢 枳實一錢 砂仁五分

山查二錢 麥芽二錢 厚朴一錢

澤瀉一錢

水一鍾半煎七八分食遠温服○服其者加白芥子胃寒無火或惡心者加炮乾薑一二錢疼痛者加木香烏藥香附之類多痰者加半夏

小和中飲 治胸膈脹悶或婦人胎氣

滯滿等證

陳皮一錢五分 山查二錢 茯苓一錢

厚朴一錢五分 甘州五分 扁豆二錢

水一鍾半加生薑三五片煎服○如嘔者加半夏一二錢○如脹滿氣不順者加砂仁七八分○如火鬱於上者加焦梔子一二錢○如婦人氣逆血滯者加紫蘇梗香附之屬○如寒滯不行者加乾薑肉桂之屬  
小分清飲 治小水不利濕滯腫脹不能受補等證此方主之



茯苓<sup>三錢</sup> 澤瀉<sup>三錢</sup> 薏仁<sup>二錢</sup>  
猪苓<sup>三錢</sup> 枳殼<sup>一錢</sup> 厚朴<sup>一錢</sup>

水一鍾半煎七八分食前服○如陰虛水不能達者加生地牛膝各二錢

○如黃疸者加茵陳二錢○如無內熱而寒滯不行者加肉桂一錢

芍藥枳朮丸 治食積痞滿及小兒腹大脹滿時常疼痛脾胃不和等證○此方較之枳朮丸其效如神

白朮<sup>二兩</sup> 赤芍藥<sup>二兩</sup> 枳實<sup>二兩</sup>  
陳皮<sup>一兩</sup>

荷葉湯煮黃老米粥為丸桐子大米飲或滾白湯任下百餘丸○如臟寒加乾薑炒黃者五錢或一二兩○如脾胃氣虛加入參一二兩

神香散 治胸脇胃脘逆氣難解疼痛嘔噦脹滿痰飲膈噎諸藥不效者惟此最妙

丁香 白芷<sup>或砂仁亦可</sup>

二味等分為末清湯調下五七分甚者一錢日數服不拘○若寒氣作痛者薑湯送下

二陳湯 治痰飲嘔惡風寒欬嗽或頭眩心悸或中脘不快或因生冷或飲酒過多脾胃不和等證

陳皮 半夏<sup>制各三錢</sup> 茯苓<sup>二錢</sup>  
炙甘州<sup>一錢</sup>

水二鍾薑三五片棗一枚煎八分食遠服

加減二陳湯 治嘔吐吞酸胃脘痛呃逆

即前方加丁香九粒氣滯甚者加一二錢

益黃散 治脾土虛寒水反來侮上而嘔吐不食或肚腹作痛或大便不實手足逆冷等證

益黃散 治脾土虛寒水反來侮上而嘔吐不食或肚腹作痛或大便不實手足逆冷等證

益黃散 治脾土虛寒水反來侮上而嘔吐不食或肚腹作痛或大便不實手足逆冷等證

益黃散 治脾土虛寒水反來侮上而嘔吐不食或肚腹作痛或大便不實手足逆冷等證



陳皮一兩

青皮

訶子肉炮去

炙甘艸各半

丁香二錢

右每服四錢水煎服

白朮散 治自汗盜汗極效

白朮半斤

右將白朮切成小塊用浮麥一升水

一斗同煮乾如白朮尚硬再加水煮

透爛取起切片焙乾為末每服二三

錢仍用浮麥煎湯食遠調服○如治

小兒以炒黃芪煎湯量兒大小與服

○忌蘿蔔辛辣炙燥之物乳母尤忌

竹茹湯 治胃熱嘔吐

半夏薑汁

乾葛各三錢

甘艸二錢

右為末每服二錢水一鐘薑三片竹

茹一彈許束一枚同煎七分去粗溫

服

橘皮竹茹湯 治吐利後胃虛膈熱呃

逆者

人參

竹茹

橘紅各三錢

甘艸炙一錢

水一鐘半生薑五片束一枚煎八分

溫服

葛花解醒湯

治飲酒太過痰逆嘔吐

心神煩亂胸膈痞塞手足顛搖飲食

減少小便不利

人參

白朮

茯苓

砂仁

白豆蔻

葛花各一錢

青皮

陳皮

猪苓

澤瀉各五分

神麴

木香各五分

水二鐘生薑五片煎七分食遠稍熱

服取微汗酒病去矣或為末薑醋湯

調服二三錢亦可

五物香薷飲

治一切暑毒腹痛霍亂

吐瀉或頭痛昏憤等證

香薷

茯苓

白扁豆

厚朴

炙甘艸各一錢



右為咀水一鍾半煎服○本方加黃連即名黃連香薷飲十味香薷飲治伏暑身熱倦怠神昏頭重吐瀉等證

- 香薷二錢
- 人參
- 黃芪
- 白朮
- 茯苓
- 厚朴薑炒
- 陳皮
- 白扁豆炒各一錢
- 木瓜
- 炙甘草各五分

水二鍾煎七分食遠溫服  
五苓散治暑熱煩躁霍亂泄瀉小便不利而渴淋瀝作痛下部濕熱

- 白朮
- 猪苓
- 茯苓各七錢半
- 肉桂五錢
- 澤瀉一兩二錢半

攻陣列方

赤金豆 ○亦名八仙丹○治諸積不

行凡血凝氣滯疼痛腫脹虫積結聚癥堅宜此主治之此丸去病捷速較之硝黃稜莪之類過傷臟氣者大為勝之

- 巴霜去膜略去
- 生附子切略炒
- 皂角炒微焦
- 輕粉一錢
- 丁香
- 木香
- 天竺黃各三錢
- 硃砂二錢

右為末醋浸蒸餅為丸蘿蔔子大硃砂為衣欲漸去者每服五七丸欲驟行者每服一二十九丸用滾水或煎藥或薑醋茶密茴香史君煎湯為引送下若利多不止可飲冷水一二只即止蓋此藥得熱則行得冷則止也○如治氣濕實滯鼓脹先用紅棗者熟取肉一錢許隨用七八丸甚者一二十九丸同棗肉研爛以熱燒酒加白糖少許送下○如治虫痛亦用棗肉加服止用清湯送下



### 散陣新古列方

一柴胡飲 一為水數從寒散也○凡感四時不正之氣或為發熱或為寒熱或因勞因怒或婦人熱入血室或產後經後因胃風寒以致寒熱如瘧疾證但外有邪而內兼火者須從涼散宜此主之

柴胡 錢三  
黃芩 一錢  
芍藥 二錢  
生地 一錢  
陳皮 一錢  
甘州 八分

水一鍾半煎七八分溫服○如內熱甚者加連翹一二錢隨宜○如外邪甚者加防風一錢佐之○如邪結在胸而痞滿者去生地加枳實一二錢○如熱在陽明而兼渴者加天花粉或葛根一二錢熱甚者加知母石膏亦可

二柴胡飲 二為火數從溫散也○凡

遇四時外感或其人元氣充實臟氣素平無火或時逢寒勝之令本無內熱等證者皆不宜忘用涼藥以致寒滯不散則為害非淺宜此主之

陳皮 一錢  
半夏 二錢  
細辛 二錢  
厚朴 一錢  
生薑 三五片  
柴胡 一錢半或二三錢  
甘州 八分

水一鍾半煎七分溫服○如邪盛者加羌活白芷防風紫蘇之屬擇而用之○如頭痛不止者加川芎一二錢○如多濕者加蒼朮○如陰寒氣勝必加麻黃一二錢或兼桂枝不必疑也

四柴胡飲 四為金數從氣分也○凡人元氣不足或忍饑勞倦而外感風寒或六脈緊數微細正不勝邪等證必須培助元氣兼之解散庶可保全宜此主之若但知散邪不顧根本味



有不元氣先敗者察之慎之

柴胡三錢 炙甘草一錢 生薑三五片

當歸三錢 人參三錢或五七錢酌而用之

水二鍾煎七八分溫服○如胸膈滯

悶者加陳皮一錢

五柴胡飲 五為土數從脾胃也○脾

土為五臟之本凡中氣不足而外邪

有不散者非此不可此與四柴胡飲

相表裏但四柴胡飲止調氣分此則

兼培血氣以逐寒邪尤切於時用者

也神效不可盡述凡傷寒瘧疾痘瘡

皆所宜用

柴胡三錢 當歸三錢 熟地三五錢

白朮三錢 芍藥三錢 炙甘草一錢

陳皮酌用或不必用

水一鍾半煎七分食遠熱服○寒勝

無火者減芍藥加生薑三五七片或

炮乾薑一二錢或再加桂枝一二錢

則更妙○脾滯者減白朮○氣虛者

加人參隨宜○腰痛者加杜仲○頭

痛者加川芎○勞倦傷脾陽虛者加

升麻一錢

正柴胡飲 凡外感風寒發熱惡寒頭

疼身痛痰癘初起等證凡血氣平和

宜從平散者此方主之

柴胡三錢 防風一錢 陳皮一錢

芍藥二錢 甘草一錢 生薑三五片

水一鍾半煎七八分熱服○如頭痛

者加川芎一錢○如熱而兼渴者如

葛根一二錢○如嘔惡者加半夏一

錢五分○如濕勝者加蒼朮一錢○

如胸腹有微滯者加厚朴一錢○如

寒氣勝而邪不易解者加麻黃一二

三錢去浮沫服之或蘇葉亦可

柴陳煎 治傷風兼寒咳嗽發熱痞滿

多痰等證



柴胡<sup>錢三</sup>

陳皮<sup>一錢</sup>

半夏<sup>錢二</sup>

茯苓<sup>錢二</sup>

甘州<sup>錢一</sup>

生薑<sup>三五</sup>

水一鍾半煎七分食遠溫服○如寒

勝者加細辛七八分○如風勝氣滯

者加蘇葉一錢五分○如冬月寒甚

者加麻黃一錢五分○氣逆多嗽者

加杏仁一錢○痞滿氣滯者加白芥

子五七分

芩煎 治傷寒表邪未解外內俱熱

瀉痢煩渴喜冷氣壯脈滑數者宜此

主之及瘧痢並行內熱去血兼表邪

發黃等證

柴胡<sup>錢三</sup>

黃芩

梔子

澤瀉

木通<sup>各二</sup>

枳殼<sup>一錢</sup>

水二鍾煎八分溫服○如瘧痢並行

鮮血純血者加芍藥二錢甘州一錢

○如濕勝氣陷者加防風一錢

小柴胡湯 治邪在肝膽半表半裏之

間寒熱往來喜嘔或日晡發熱脇痛

耳聾鬱怒痰瘧等證

柴胡<sup>斤半</sup>

半夏<sup>斤半</sup>

人參

黃芩

生薑

甘州<sup>各</sup>

大棗<sup>十二枚</sup>

右七味以水一斗二升煮取六升去

滓再煎取三升溫服一升日三服○

若胸中煩而不嘔去半夏人參加括

藜實一枚○若渴者去半夏加人參

合前成四兩半括藜根四兩○若腹

中痛者去黃芩加芍藥三兩○若脇

下痞鞭去大棗加牡蠣四兩○若心

下悸小便不利者去黃芩加茯苓四

兩○若不渴外有微熱者去人參加

桂三兩溫覆取微汗愈○若欬者去

人參大棗生薑加五味子半斤乾薑

二兩

按右方乃漢時古數也今方改用



柴胡<sup>三錢</sup> 半夏 黃芩<sup>各二錢</sup>  
人參<sup>三錢</sup> 甘州<sup>五錢</sup>

參蘇飲 治四時感冒傷寒頭痛發熱  
惡寒無汗及傷風咳嗽聲重涕唾稠  
粘潮熱往來此藥解肌寬中孕婦傷  
虛疹茲治

人參 蘇葉 乾葛  
前胡 陳皮 枳殼  
半夏 茯苓<sup>各八分</sup> 木香  
桔梗 甘州<sup>各五分</sup>

五積散 治感冒寒邪頭疼身痛項背  
拘急惡寒嘔吐肚腹疼痛及寒濕客  
於經絡腰脚骨射酸痛及痘瘡寒勝  
等症

當歸 麻黃 蒼朮  
陳皮<sup>各一錢</sup> 厚樸<sup>製</sup> 乾薑<sup>炮</sup>

芍藥 枳殼<sup>各八分</sup> 半夏<sup>炮</sup>  
白芷<sup>各七分</sup> 桔梗 炙甘州  
茯苓 肉桂 人參<sup>各五分</sup>  
川芎<sup>四分</sup>

水二鍾薑三片葱白三莖煎八分不  
拘時服

又歌曰 痢後偏生脚痛風  
局方五積自能攻  
就中或却麻黃去  
酒煮多多服見功

### 寒陣新古列方

保陰煎 治男婦帶濁遺淋色赤帶血  
麻滑多熱便血不止及血崩血淋或  
經期太早凡一切陰虛內熱動血等  
證

生地 熟地 芍藥<sup>各二錢</sup>  
山藥 川續斷 黃芩



黃栢錢各一 生甘州錢一

水二鍾煎七分食遠溫服○若小水多熱或兼怒火動血者加焦梔子一錢○如夜熱身熱加地骨皮一錢五分○如肺熱多汗者加麥冬冬末仁○如血熱甚者加黃連一錢五分○如血虛血滯筋骨腫痛者加當歸二三錢○如氣滯而痛去熟地加陳皮青皮丹皮香附之屬○如血脫血滑及便血久不止者加地榆一二錢或烏梅一二個或百藥煎一二錢文蛤亦可○如少年或血氣正盛者不必用熟地山藥○如肢節筋骨疼痛或腫者加秦艽丹皮各一二錢

抽薪飲 治諸凡火熾盛而不宜神者

黃芩 石斛 木通

梔子炒 黃栢各一 枳殼錢

澤瀉錢 細甘州分三

水一鍾半煎七分食遠溫服內熱甚者冷服更佳○如熱在經絡肌膚者加連翹天花粉以解之○熱在血分大小腸者加槐蕊黃連以清之○熱在陽明頭面或躁煩便實者加生石膏以降之○熱在下焦小水痛澀者加州龍胆車前以利之○熱在陰分津液不足者加門冬生地芍藥之類以滋之○熱在腸胃實結者加大黃芒硝以通之

大分清飲 治積熱閉結小水不利或致腰腹下部極痛或濕熱下利黃疸濁血邪熱畜血腹痛淋閉等證

茯苓 澤瀉 木通各二

猪苓 梔子或倍 枳殼

車前子錢各一

水一鍾半煎八分食遠溫服○如內熱甚者加黃芩黃栢州龍膽之屬○



如大便堅，鞭脹滿者，加大黃二三錢。  
○如黃疸，小水不利，熱甚者，加茵陳二錢。  
○如邪熱，畜血，腹痛者，加紅花青皮各一錢五分。

清膈煎 治痰因火動，氣壅喘滿，內熱煩渴等證。

陳皮半錢 貝母二三錢 微破 膽星一錢  
海石二錢 白芥子五七 木通二錢

水一鍾，半煎七分，溫服。○如火盛，痰不降者，加童便一小鍾。○如渴甚者，加天花粉一錢。○如熱及下焦，小水不利者，加梔子一錢半。○如熱在上焦，頭面紅赤，煩渴喜冷者，加生石膏二三錢。○如痰火上壅，而小水不利者，加澤瀉一二錢。○如痰火閉結，大便不通，而兼脹滿者，加大黃數錢，或朴硝一二錢，酌宜用之。

玉女煎 治水虧火盛，六脉浮洪，滑大

少陰不足，陽明有餘，煩熱乾渴，頭痛，牙疼，失血等證。如神，如神，若大便溏泄者，不有所宜。

生石膏三五錢 或一兩 熟地三五錢 或一兩 麥冬二錢  
知母 牛膝各錢

水一鍾，半煎七分，溫服，或冷服。○如火之盛，極者，加梔子、地骨皮之屬，亦可。○如多汗多渴者，加北五味、十四粒。○如小水不利，或火不能降者，加澤瀉一錢五分，或茯苓亦可。○如金水俱虧，因精損氣者，加入參二三錢，尤妙。

玉泉散 亦名一六甘露散。○治陽明內熱，煩渴，頭痛，二便閉結，溫疫，斑黃，及熱痰喘嗽等證。○此益元散之變方也，其功倍之。

石膏六兩 粉甘艸一兩  
右為極細末，每服一二三錢，新汲水



或熱湯或人參湯調下○此方加硃砂三錢亦妙

滋陰八味丸 治陰虛火盛下焦濕熱等證○此方變丸為湯即名滋陰八味煎

山藥 四兩 丹皮 三兩 白茯苓 三兩  
山茱萸 內四兩 澤瀉 三兩 黃柏 八兩  
知母 三兩 鹽水炒

右加煉蜜搗丸梧桐子大或空心或午前用滾白湯或淡鹽湯送下百餘丸

竹葉石膏湯 治陽明汗多而渴鼻衄喜水水入即吐及暑熱煩躁等證

石膏 一兩 竹葉 三十片 半夏  
甘艸 各二錢 麥冬 人參 各三錢  
粳米 一握 此係今方分兩  
非仲景舊法

水二鍾薑三片煎服○一方云石膏二錢人參一錢其他以通減之用者

當酌宜也

瀉心湯 治心火

用川黃連去鬚為極細末每服一字或五分或一錢大湯或散臨臥服

人參清肺飲 治肺胃虛熱欬喘急坐臥不安年久勞嗽唾痰

人參 杏仁 去皮 阿膠 各一錢 粟殼 錢半 炙甘草  
桑白皮 知母 地骨皮 烏梅肉 各五分

冰二鍾束一枚煎八分食遠服

瀉白散 治肺火大腸火喘急等證  
甘艸 一錢 桑白皮 地骨皮 各二錢  
右為末水調服

清胃散 治醇酒厚味或補胃熱藥太過以致牙痛不可忍牽引頭腦滿面發熱或齒齦潰爛喜冷惡熱此陽明之火也宜用此方

生地 錢半 升麻 當歸  
丹皮 各一錢 黃連 錢半  
月信之



水煎服

瀉黃散 治脾火

山梔一兩 石膏五錢 藿香七錢

防風四錢 甘州三錢

右吹咀蜜酒拌略炒香為細末每服

二錢水一鐘煎清汁飲

柴胡清肝散 治肝膽三焦風熱瘡瘍

或怒火憎寒發熱或瘡毒結於兩耳

兩脇前後或胸乳小腹下及股足等

瘡

柴胡 黃芩炒各錢半 山梔炒

川芎 人參各一錢 甘州五分

連翹 桔梗各八分

水一鐘半煎服

當歸六黃湯 治盜汗之聖藥

當歸 黃芪蜜炒各二錢 生地黃

熟地黃 黃連 黃芩

黃栢各一錢

水二鐘煎服

益元散 一名六一散 一名天水散

○治中暑身熱煩渴小水不利河間

云治痢之聖藥分利陰陽去濕熱其

功大矣

粉甘州 桂府滑石飛六兩

右為極細末每服二三錢新汲水調

下○一方加辰砂三錢名珠砂益元

散○一方加牛黃治煩而不得眠

下連丸 治熱瀉痢疾赤白膿血濕熱

侵臍裏急後重

黃連淨切如豆粒用淨吳茱萸五

兩二味用熱水拌和入磁罐內置

熱湯中頓一日同炒至黃連紫黃

色為度去茱萸不用

珠砂安神丸 一名黃連安神丸○治

心神煩亂發熱怔忡不寐或寐中驚

悸頭暈等證



生地

硃砂另飛

當歸各

甘州五分

黃連一錢

陽浸蒸餅為丸黍米大每服十五丸

或二十九津液嘔之或食後用溫水

涼水送下亦可

安神丸 治熱渴心悶脈實頰赤口燥

麥冬

馬芽硝

白茯苓

寒水石

山藥

甘州各五分

硃砂一兩

龍腦一字

右為末煉蜜丸芡實大每服一丸沙

糖水化下

清青丸 治肝胆火並小兒急驚發搐

眼赤睛疼

龍胆州

當歸

川芎

防風

羌活

山梔

大黃等分

煉蜜為丸桐子大每服五十丸

滋腎丸 降腎火桂與火邪同射此寒

因熱用法也凡不渴者病在下焦宜用之○良方云或腎虛足熱小便不利肚腹腫脹皮膚脹裂眼睛空出是神劑也

黃柏二兩酒

知母同上

肉桂二錢

為細末熟水為丸百沸湯空心送下

二百丸

### 熱陣新古列方

四味回陽飲 治元陽虛脫危在頃刻者

者

人參二兩

製附子三錢

炙甘州三錢

炮乾薑三錢

水二鍾武火煎七八分溫服徐徐飲

乏

六味回陽飲 治陰陽將脫等證

人參一二兩

製附子三錢

炮乾薑三錢

炙甘州一錢

熟地五錢

當歸身

三錢如泄瀉者



或血動者以水  
易之多多益善

水二鍾武火煎七八分溫服○如肉  
振汗多者加炙黃芪四五錢或一兩  
或冬白朮三五錢○如泄瀉者加烏  
梅二枚或北五味二十粒亦可○如  
虛陽上浮者加茯苓二錢○如肝經  
鬱滯者加肉桂二三錢

理陰煎

此理中湯之變方也○凡脾  
腎中虛等證宜剛燥者當用理中六  
君之類宜溫潤者當用理陰大營之  
類欲知調補當先察此○此方通治  
真陰虛弱脈滿嘔噦痰飲或心吐瀉  
腹痛婦人經遲血滯等證○又凡真  
陰不足或素多勞倦之輩因而忽感  
寒邪不能解散或發熱或頭身疼痛  
或面赤舌焦或雖渴而不喜冷飲或  
背心肢軀畏寒但脈見無力者悉是  
假熱之證若用寒涼攻之必死宜速

用此湯照後加減以溫補陰分托散  
表邪連進數服使陰氣漸充則汗從  
陰達而寒邪不攻自散此最切於時  
用者也神效不可盡述

熟地

三五七錢  
或二兩

當歸

二三錢或  
五七錢

炙甘州

一二錢

乾薑

炒黃色一  
二三錢

或加肉桂

一二錢

水二鍾煎七八分熱服○此方加附  
子即名附子理陰煎再加人參即名  
六味回陽飲治命門火衰陰中無陽  
等證○若風寒外感邪未入深但見  
發熱身痛脈數不洪凡內無火證素  
稟不足者但用此湯加柴胡一錢半  
或二錢連進一二服其效如神若寒  
凝陰盛而邪有難解者必加麻黃一  
二錢放心用之或不用柴胡亦可恐  
其清利也此寒邪初感溫散第一方  
惟仲景獨知此義茅仲景之溫散首



用麻黃桂枝二湯余之溫散即以此理  
陰煎及大溫中飲為增減此雖一從  
陽分一從陰分其跡若異然一逐於  
外一托於內而用溫則一也學者當  
因所宜酌而用之○若陰勝之時外  
感寒邪脈細惡寒或背畏寒者乃太  
陽少陰證也加細辛一二錢甚者再  
加附子一二錢真神劑也或并加柴  
胡以助之亦可○若陰虛火盛其脈  
內熱不宜用溫而氣血俱虛邪不能  
解者宜去薑桂單以三味加減與之  
或止加人參亦可○若治脾腎兩虛  
水泛為痰或嘔或脹者於前方加茯苓  
苓一錢半或加白芥子五分以行之  
○若他瀉不止及腎泄者少用當歸  
或并去之加山藥扁豆吳茱萸破故  
肉豆蔻附子之屬○若腰腹有痛加  
杜仲枸杞○若腹有脹滯疼痛加陳

皮木香砂仁之屬

養中煎 治中氣虛寒為嘔為泄者

- 人參 三錢
- 山藥 炒二錢
- 白扁豆 炒三錢
- 炙甘草 一錢
- 茯苓 二錢
- 乾薑 炒黃一錢

水二鍾煎七分食遠溫服○如愛腐  
氣滿者加陳皮一錢或砂仁四分○  
如胃中空虛覺餒者加熟地三五錢  
溫胃飲 治中寒嘔吐吞酸泄瀉不思  
飲食及婦人臍寒嘔惡胎氣不安等  
證

- 人參 二二三錢 或一兩
- 白朮 炒一二錢 或一兩
- 扁豆 炒二錢
- 陳皮 一錢 或不用
- 乾薑 炒焦一錢
- 炙甘草 一錢
- 當歸 二三錢滑 滋者勿用

水二鍾煎七分食遠溫服○如下寒  
帶濁者加破故紙一錢○如氣滯或  
兼胸腹痛者加藿香丁香木香白豆



慈砂仁白芥子之屬○如兼外邪及  
肝腎之病者加桂枝肉桂甚者加柴  
胡○如脾氣陷而身熱者加升麻五  
七分○如水泛為痰而胸腹痞滿者  
加茯苓一二錢○如脾胃虛極大嘔  
大吐不能止者倍用參朮仍加胡椒  
二三分許煎熟徐徐服之

五君子煎 治脾胃虛寒嘔吐泄瀉而  
兼濕者

- 人參 二錢
- 白朮 三錢
- 茯苓 各二錢
- 炙甘草 一錢
- 乾薑 炒黃一錢

水一鍾半煎服

六味異功煎 治證同前而兼微滯者  
即前方加陳皮一錢○此即五味異  
功散加乾薑也

參薑飲 治脾肺胃氣虛寒嘔吐欬嗽  
氣短小兒吐乳等證

- 人參 三五錢
- 炙甘草 三五錢
- 乾薑 炮五分或一錢或用煨
- 生薑 三五錢

水一鍾半煎七八分徐徐服之○此  
方或陳皮或華撥或茯苓皆可酌而  
佐之

胃開煎 治脾腎虛寒作瀉或甚至久  
瀉腹痛不止冷痢等證

- 熟地 三五錢
- 山藥 炒二錢
- 白扁豆 炒二錢
- 炙甘草 二錢
- 焦乾薑 二錢
- 吳茱萸 製五分
- 白朮 炒三錢

水二鍾煎七分食遠溫服○瀉甚者  
加肉豆蔻一二錢麩炒用或破故紙  
亦可○氣虛勢甚者加入參隨宜用  
○陽虛下脫不固者加製附子一二  
三錢○腹痛甚者加水香七八分或  
加厚朴八分○滯痛不通者加當歸  
二三錢○滑脫不禁者加烏梅二個  
或北五味子二十粒○若肝邪侮脾



者加肉桂一二錢

聖術煎 治飲食偶傷或吐或瀉胸膈痞悶或脇肋疼痛或過用剋伐等藥致傷臟氣有同前證而脈息無力氣法神倦者速宜用此不得因其虛痞虛脹而畏用白朮此中虛實之機貴乎神悟也若痛脹覺甚者即以此煎送神香散最妙若用治寒濕瀉痢嘔吐尤為聖藥

白朮 用炙朮味甘佳者五六七八錢炒或一二兩 乾薑 炒

肉桂 各一錢 陳皮 酌用或不

水一鍾半煎七分溫熱服○若治虛寒瀉痢嘔吐等證則入參炙甘州之類當任意加用○若治中虛感寒則麻黃柴胡亦任意加用

七味龍膽瀉肝湯 治肝火內炎如前諸證

柴胡稍 澤瀉 車前子

木通 龍膽州 歸稍

生地 各等分

右吹咀水二鍾煎一鍾空心稍熱服

理中丸 即各人參理中湯○治太陰即病自利不渴陰寒腹痛短氣欬嗽霍亂嘔吐飲食難化胸膈噎塞或瘧疾瘴氣瘟疫中氣虛損久不能愈或中虛生痰等症

人參 白朮 乾薑 炒

炙甘州 各三兩

右四味搗篩為末蜜丸雞黃大以沸湯數合和一丸研碎溫服之日三四夜二服腹中未熱益至三四九然不及湯湯法以四物依數切用水八升煮取三升去渣溫服一升日三服○原論加減法詳在霍亂門述古條中實按右方兩數乃漢時權度今後世所用惟每味數錢而甘州半之酌宜



可也

藿香安胃散 治脾胃虛弱不能進食  
嘔吐吞酸腹痛不能腐熟

藿香 人參 陳皮各錢

丁香五分 生薑十片

水一鍾半煎七分食遠服

因陣列方

五物煎 治婦人血虛凝滯蓄積不行  
小腹痛急產難經滯及痘疹血虛寒  
滯等證神效○此即四物湯加肉桂也

當歸三五錢 熟地三四錢 芍藥二錢

川芎一錢 肉桂三錢

水一鍾半煎服○兼胃寒或嘔惡者  
加乾薑炮用○水道不利加澤瀉或  
猪苓○氣滯者加香附或丁香砂仁  
烏藥○陰虛疝痛者加小茴香○血

麥芽 神曲 陳皮 白朮 人參 青皮 神曲 白朮 人參 青皮

啓脾丸 治脾胃不和氣不升降中脘  
痞塞心腹膨脹泄瀉不思飲食

二兩為一 炮薑 黃連 或仍加炮薑 一二兩為一

此方雖佳但脾胃虛弱非有  
每服百丸食前白湯下  
右為末用長流水煮荷葉老米攪

白豆蔻 廣木香 川黃連 山查肉 枳實 白朮 青皮 白朮 枳實 白朮 青皮 白朮 枳實 白朮 青皮

此方健脾養胃磁散氣除風熱寬胸  
大健脾胃丸 各百散丸 徐東壽日



入竹葉二十斤水煎服○一方甘甲分入

導赤散 作心火及小腸熱 醫小便赤

備用列方

右為未每服二錢空心跳及心驚  
甘甲錢五 珠珀錢二 龍骨者五 白茯苓神 白參  
人參 妙香散 五荆公妙香散 定心氣

固陣列方

之屬  
寒邪在表者加辛麻黃柴胡紫蘇  
桃仁或酒炒紅花○痘疹血風寒  
熱不行下若覆打漸成積塊者加

砂仁 厚朴 乾薑各一兩  
甘州兩半

煉蜜為丸彈子大每服一丸食前細嚼米飲下

和中丸 治久病厭厭不能食而臟腑  
或秘或澀此皆胃虛所致常服之和中  
理氣消痰積去溫滯厚腸胃進飲食

白朮錢二 厚朴錢二 陳皮錢一  
半夏湯泡 檳榔錢五 枳實錢五  
炙甘草錢四 木香錢二

右用生薑自然汁浸蒸餅為丸桐子  
大每服三四十九食遠溫水送下  
和中丸 開胃進食

人參 白朮各三錢 乾薑炮  
甘草錢一 陳皮錢一 木瓜枝一  
右為末蒸餅丸桐子大食前白湯下  
三五十九



四苓散

即前五苓散去肉桂

四苓湯 治脾濕太過泄瀉不止

陳皮 厚朴 甘艸

蒼朮 白朮 茯苓

澤瀉 猪苓 肉桂各等分

每服五六錢薑五片棗二枚水煎服

調中湯 治傷乳食瀉後脾胃虛噦吐

瀉

人參 茯苓 乾薑炒

藿香 白朮 甘艸炙

木香 丁香 香附炒去毛

砂仁等分

右水煎食前服

助胃膏 治脾胃虛寒吐瀉飲食不化等證

人參 白朮炒 茯苓

甘艸炙 丁香錢五 山藥二兩炒

砂仁四兩 水香三錢 白豆蔻十四個

肉豆蔻四兩 一方無木香名香砂

助胃膏

右為末蜜丸每服十九米飲化下

圓參散 治心虛血熱自汗盜汗

人參 當歸等分

右為末用雄猪心一個切三片每服

二錢以猪心一片煎湯調服或用水煎服亦可

人參黃連散 治心經濕熱夜啼

人參二錢 黃連錢五 炙甘艸五分

竹葉二十片

右薑水煎服

柴胡散 治變蒸骨熱心煩啼呼不止

人參 炙甘艸 麥冬各三錢

龍胆艸錢一 防風錢一 柴胡五分

右每服二三錢水煎



惺惺散 治小兒傷寒時氣風熱頭痛  
目昏多睡痰壅欬嗽喘急或痘疹已  
出未出疑似之間

人參 白朮 茯苓  
甘艸 北細辛 川芎  
桔梗 等分

右為末每服二錢入薄荷五葉水煎  
服○一方有防風天花粉

星蘇散 治諸風口噤不語  
南星 等分

右每服五七分紫蘇五葉薑四片水  
煎人雄猪膽少許溫服

黃龍散 治發熱不退或往來寒熱  
柴胡 五錢 赤芍藥 三錢 黃芩 炒

甘艸 炙各 二錢  
右每服二三錢薑枣水煎

人參薑活散 治傷風驚熱  
人參 羌活 川芎

白茯苓 柴胡 前胡

獨活 桔梗 枳殼

地骨皮 天麻 炙甘艸 炒

右用生薑薄荷水煎○治驚熱如蟬  
蛻

牛黃散 治溫熱壯熱或寒熱往來

牛黃 研 甘艸 各半 柴胡

梔子 酒炒 龍胆 炒 黃芩 炒各二

右為末每服五七分以金銀薄荷湯  
調下

二黃犀角散 治溫熱心神不安火腑  
秘結

犀角屑 大黃 酒浸 鈞藤 鈎

梔子仁 甘艸 黃芩 等分

右為末每服五七分熱湯調下量見  
加減

柴胡飲子 解肌熱蒸熱積熱或汗後  
餘熱脈洪實弦數大便堅實者



柴胡 人參 黃芩  
芍藥 當歸 甘草  
大黃 錢一分

右每服一二錢水煎○按此方用藥  
頗善但大便如常者勿得輕用大黃  
地骨皮散 治虛熱并熱

地骨皮 知母 人參  
柴胡 茯苓 半夏  
甘艸 藥

右薑水煎有驚熱加蟬退天麻黃芩  
保和丸 治飲食酒積停滯胸膈痞滿  
腹脹

神曲 炒 陳皮 半夏  
茯苓 各一兩 山楂肉 蒸 連翹  
蘿蔔子 炒 各五錢

右為末粥丸綠豆大一○一方尚有砂  
麥芽一兩黃連五錢  
大安丸 治證同前

即前保和丸加白朮二兩  
消食丸 治乳食過多胃氣不化  
砂仁 陳皮 神麩 炒

麥芽 炒 三稜 蓬朮 各半  
香附 炒 兩

右為末麩糊丸麻子大白湯送下量  
見加減  
白餅子 治傷食腹中有癖嘔吐肚疼  
先用此餅一服推下食積然後調治  
不可服冷藥

滑石 乾粉 半夏 湯浸  
南星 各一錢 巴豆 二十四粒去皮膜用  
右為末糯米飲丸綠豆大一拾作餅每  
服二三餅煎葱白湯或紫蘇湯下忌  
熱物量見加減

薛曰凡用此方及利驚丸紫霜丸三  
味半黃丸福銀丸之類乃斬關奪門  
起死回生之重劑也必審形病俱實



方可施之，恐至失手，命在反掌，經云邪之所湊，其氣必虛，留而不去，其病乃實，實者病氣實，而形氣則虛也。東垣先生云：形病俱實者，當瀉不瀉，補不當瀉，治者審焉。

人參養胃湯 治外感風寒內傷生冷寒熱如瘧，或嘔逆惡心。

人參 厚朴薑制 蒼朮炒  
半夏制 草果仁 藿香  
茯苓各五錢 橘紅二錢 炙甘草一錢  
右每服二三錢薑三片烏梅一個水煎。

人參安胃散 治脾胃虛弱傷熱乳食嘔吐瀉痢。

人參錢一 黃芪錢二 生甘草  
炙甘草各五分 白芍藥酒炒七分 茯苓四分  
陳皮三分 黃連炒一分  
右每服二三錢水煎。

六神散 治面青啼哭口出氣冷或泄瀉不乳腹痛曲腰四肢厥冷。

人參 白朮炒 山藥炒  
炙甘草錢二 白茯苓 白扁豆炒各一兩  
右為末每服二三錢薑棗水煎。

養心湯 治心血虛怯驚癇或驚悸怔忡盜汗無寐發熱煩躁。

人參 黃芪 遠志  
當歸 川芎 棗仁  
五味子 柏子仁 肉桂 茯苓  
白茯苓 半夏各三錢 炙甘草四錢  
右每服二三錢薑棗水煎。

茯神湯 治膽氣虛寒頭痛目眩心神恐懼或驚癇。

人參 黃芪炒 棗仁炒  
熟地 白芍炒 柏子仁炒  
五味子炒 茯神各一兩 桂心  
甘草各五錢



右每服二三錢水煎

清神湯 治驚癩心虛血熱

犀角錢 遠志錢 白鮮皮

石菖蒲 人參 甘州等

右為末每服五七分麥門冬煎湯調服

服

釣藤飲 治小兒臟寒夜啼陰極灸躁

釣藤鈎 茯神 茯苓

當歸 川芎 木香各一錢

甘州五

右每服二錢薑枣水煎服○撮要左

有芍藥一錢○若心經有熱臉紅便

赤去木香加朱砂末一錢水通湯下

大青膏 治傷風痰熱發搐

天麻 青黛各一錢 白附子慢

烏蛇酒浸取肉焙 蝎尾各五分 天竺黃

麝香各一分

右為末生蜜丸大豆大每用半粒薄荷

湯化下

地黃清肺飲 治肺熱疳蝕穿孔或生

瘰肉或鼻外生瘡

桑白皮生需炒 紫蘇 前胡

赤茯苓 防風 黃芩

當歸 天門冬 連翹

桔梗 生地 甘州各二錢

每服五七錢水煎服次用化匿丸

秘旨安神丸 治心血虛而睡中驚悸

或受驚嚇而作

人參 枣仁 茯神

半夏各一錢 當歸 芍藥炒

橘紅各七分 五味子五粒 炙甘州三分

右為末薑汁糊丸艾實大每服一丸

生薑湯下

安神鎮驚丸 驚退後調理安心神養

氣血和平預防之劑也

天竺黃足 人參 南星薑



茯神各五錢

當歸

枣仁炒

麥冬

生地

芍藥炒各三錢

黃連薑汁炒

薄荷

木通

山梔炒

硃砂另研

牛黃另研

龍骨煨各二錢

青黛一錢

右為末，蜜丸，綠豆，大，每服三五丸，量兒大小，加減，淡薑湯送下。

琥珀散 治急慢驚風，涎潮昏冒，驚搐，目睛內釣，腹痛，或驚癇時發。

琥珀

牛黃

瞻星此當倍用

白附子

天麻

僵蚕炒去絲嘴

代赭石

全蝎

蟬退

乳香各錢

朱砂一錢半

右為末，每服一二分，白湯調下。

龍膽湯 治月內，疳風，撮口，四肢驚掣，發熱吐乳，及客忤鬼氣，驚癇，加入參當歸。

龍膽州炒

釣藤鈎

柴胡

黃芩炒

芍藥炒

桔梗

茯苓

甘州

大黃煨各二錢半

蠅螂二枚，去翅足

右為末，每服一二錢，水煎量兒加減。

梅花飲 治五臟積熱，喉中有痰，面色赤白，鼻流青涕，氣逆喘急，目赤，或嗽，或因驚夜啼。

礞砂

馬牙硝

芒硝

辰砂各二錢

人參二錢

甘州五分

片腦半錢

麝香一分

右為末，磁器收貯，每服半匙，麥冬湯調服，或薄荷湯亦可。

抱龍丸 治風痰壅盛，或發熱，或嗽，或發驚，驚搐等證。

胆星九兩

天竺黃一兩

雄黃

朱砂各五錢

麝香五分，另研，或藏亦可

右為細末，用甘州一斤，煮極濃汁，搗丸，每兩作二十九，陰乾，用薄荷湯。



或燈艸湯下三二丸○此方加牛黃  
四錢即名牛黃抱龍丸加琥珀即名  
琥珀抱龍丸

牛黃丸 治風癩因汗出風邪乘虛而  
入痿涎迷悶手足搐掣

牛膽南星 全蝎焙 蟬脫各二錢半

防風 白附子生用 天麻

僵蚕炒各一錢半 麝香半

右為末末肉和丸加水銀半錢同研  
細丸綠豆大每服一二丸荊芥生薑  
湯下

涼驚丸 治驚疳熱搐暗赤潮熱痰涎  
牙開緊急

龍膽州炒 防風 青黛各三錢

釣藤鈎二錢 黃連炒五錢 龍腦一錢

牛黃 麝香各二分

右為末麪糊丸粟米大每服十九煎  
金銀花湯下

利驚丸 治急驚

天竺黃二錢 輕粉 青黛各一錢

黑牽牛炒五錢

一方無天竺黃

右為末煉蜜丸豌豆大每歲一九薄  
荷水化下

抑青丸 治肝熱急驚搐搦

羌活 川芎 當歸

防風 龍膽草等分

右為末煉蜜丸芡實大每服一二丸

竹葉湯入砂糖化下○此方加大黃

梔子仁即名瀉青丸

比金丸 治驚癇先用此約

參 遠志薑制取肉炒 白茯苓

南星 川芎 石菖蒲細蜜者

天麻 朱砂 青黛

琥珀各一錢 麝香半

右為末蜜丸桐子大每服一二丸金



銀薄荷湯下

虎睛丸 治驚癇邪氣入心

虎睛 細研 遠志 薑汁 犀角 屑

石菖蒲 大黃 濕紙 麥冬 等分

蜈蚣 去足翅 炒三枚

右為末米糊丸梧子大每服一二丸

竹葉煎湯或金銀薄荷湯下

消風丸 治風癩先宜此約

膽星 二錢 羌活 獨活

防風 天麻 人參

荊芥 川芎 細辛各一錢

右為末蜜丸梧子大每服二丸薄荷

紫蘇湯調化下

妙聖丹 治食癩因驚而停食吐乳寒

熱大便酸臭是也

赭石 煨醋洋 二錢半 巴霜 三分 硃砂

雄黃 蝎稍 各一錢 輕粉

麝香 各一匙 杏仁 微炒 二錢

右為末枣肉丸梧子大每服一二丸

木賊艸煎湯送下

紫河車丸 治癩癩

紫河車 肥者 一具 人參 當歸 二味酌用為末

右將河車生研爛入二藥搗丸梧子

大每服五七十九丸日進三服人乳化

下○按此方凡先天不足後天虧敗

者俱可隨宜增用藥物照此制服用無

不可也然河車必用酒頓熟方善雖

薛氏之意用其生氣但生者醒臍恐

不利於胃氣且此物既離本體尚何

生氣之有亦不過取其應求之性味

為血氣之資而已矧人之血氣本皆

熟物之所養或故飲食之數凡生用

熟用其補瀉之甚相遠者豈熟之即

無益而生之果無礙耶余故曰熟之

為宜

大蕪羹湯 治小兒脾疳發熱作渴少



食大便不調，髮黃脫落，面黑，鼻下生瘡，能乳嗜土等證。

蕪荑 分各五 山柘 分各五 當歸

白朮 分各四 茯苓 分各四 柴胡

麻黃 分各三 羌活 分各三 防風

黃連 分各三 黃柏 分各三 炙甘草 分各三

右作三劑水煎服

蘭香散 治鼻疳赤爛

蘭香葉 二錢 輕粉 各五分

右為末乾貼

四味肥兒丸 治小兒食積五疳目生

雲翳牙根腐爛口舌生瘡發熱脾瘦

肚大筋青髮稀成穗或白禿瘡疥小

便澄白等証

蕪荑 炒 神麩 炒 麥芽 炒

黃連 各等分

右為末猪膽汁丸黍米大每服二三  
十丸木通煎湯下

蘆薈肥兒丸 治疳熱

蘆薈 龍胆 酒洗 木香 人參

史君子肉 蚶蚶 洗去頭

麥芽 炒 檳榔 足兩土驚 黃連 去蘆

白蕪荑 各三錢 胡黃連 各五錢

右為細末猪膽汁為丸黍米大每服

五六十丸米飲下

木香丸 治疳疔

黃連 淨三錢 木香 紫厚朴 制

夜明砂 紙炒各二錢 訶子肉 炒一錢

右為末飯丸麻子大乾艾生薑煎湯  
食前下

黃連丸 治疳疔

黃連 生兩錢 石蓮子 瓜蒌根

杏仁 去皮 烏梅肉 各二錢

右為末牛胆汁浸糕丸麻子大煎烏  
梅薑蜜湯下

胡黃連丸 治熱疔



胡黃連 黃連各五錢 朱砂二錢

右為末，填入猪胆內，以線此懸掛，銚中淡漿水，煮數沸，取出，研蘆薈射香，各二錢入之，飯和丸，麻子大，每服一二十九米飲下。

蟾蜍丸

治小兒頸項結核，面色痿黃，飲食不甘，腹大，發熱，名曰無辜疳，證

一服，虛熱退，二服，煩渴止，三服，瀉痢愈。蟾蜍一二個，夏月溝渠隄土中

取腹大，不跳，不鳴者，是身多偏者佳。

右將蟾一杓，置桶中，以尿浸之，卻將蟾，跌死，投與蛆食，一晝夜，用布

袋盛，蛆置急流中，一宿，取出，瓦上焙

乾，為末，入射香一字，粳米飯丸，麻子

大，每服二三十丸，米飲下，其效如神。

如聖丸

治疳熱泄瀉。

白蕪荑炒 川黃連

胡黃連各二兩

史君子肉一兩

麝香五分

乾蝦蟇五個酒煮研膏

右為末，以蝦蟇膏，杵丸，麻子大，每服

一二十丸，煎入參湯下。○薛按：疳之

為患，乃肝脾虛，熱津液乾，個之証，前

方，乃專於治疳，清熱之劑，若脾胃虛

弱者，當佐以六君子湯，調補脾胃，使

邪氣退，庶可收全功也。

紫霜丸

治驚積及變蒸，發熱不解，或

食癩先寒，後熱，或乳哺失節，宿滯不

腹痞便結。

代赭石煨醋碎七次

赤石脂各一兩

杏仁五十個

巴豆三十枚去心膜油

右先將巴豆杏仁研成膏，入代赭石

脂，研勻，湯浸蒸餅丸，粟米大，每服三

五丸，米飲送下。

痘疹列方

木香散 又名十一味異功散 ○治小



兒痘疹虛寒多滯者宜此

木香 丁香 大腹皮

人參 桂心 炙甘艸

半夏制 訶黎勒 赤茯苓

青皮 前胡分等

右每服二三錢薑水煎

薛按曰前方治痘疹已出未愈之間其瘡不光澤不起癢不紅活五七日內泄瀉作渴或肚腹作脹氣促作喘或身雖熱而腹脹足指冷或驚悸或汗出或寒戰咬牙或欲嘔不嘔瘡不結痂或嘔後腹脹泄瀉作渴此皆脾胃虛寒津液衰少急用此藥治之若誤認爲實熱用寒涼之劑及飲蜜水生冷瓜果之類必不治

十二味異功散 治元氣虛寒小兒痘疹色白寒戰咬牙泄瀉喘嗽等證

人參 丁香 木香

肉豆蔻 陳皮 厚朴各二錢半

白朮 茯苓 官桂各二錢

當歸三錢半 制附子 半夏各錢半

右咀每服二三錢薑水煎服○愚按陳氏此上方溫性有餘補性不足用治寒證則可用治虛證則不及也用者更宜詳酌

涼膈散 解痘裏熱良方

黃芩 連翹爲君 甘艸

梔子 薄荷 桔梗

竹葉

右水煎服

雄黃散 治痘後牙齦生疳蝕瘡

雄黃錢一 銅綠錢二

右爲末乾搽之

搽牙散 治痘後餘毒攻牙生疳一日爛進一分急用此搽之

銅綠 雄黃 五倍子



枯礬 胡黃連 北細辛

烏梅 同楊子包同  
火煨在時

右等分爲末搽之

馬鳴散 治走馬疳良方

中白 即尿缸底白渣也  
以物刮取新  
五盛之火煨如白  
爲方佳半兩

五倍子 生者一錢  
另用一錢同礬煨之

馬鳴退 即蚕退紙也  
燒過二錢半

枯白礬 二錢  
取用五倍子一錢  
入礬於內煨乾者

右爲極細末先以濃米泔水浸洗瘡

只以此傳之



精選幼科良方終



